

ভূমিকা

শ্রীপ্রমথনাথ বিদ্যায়

পদ্মকালো পরশুরাম এসেছিলেন মানুষের মারতে, আমাদের কালে পরশুরামের সে রকম কোন মারাত্মক উদ্দেশ্য ছিল না। তিনি মানুষকে হাসিরে গিয়েছেন। এই হাসির প্রকৃতি কি তা না-হয় পরে বিচার করা যাবে, তবে আপাততঃ নির্বিচারে বলা যায় যে পরশুরাম হাসির গল্প লিখে গিয়েছেন,—সে সব গল্পে অন্য উপাদান থাকলেও, হাসিটাই মূল উপাদান। হাসির গল্পলেখক মানেই হাসিখুশি থাকবে, আমদে হবে এরকম ধারণা অনেকের আছে, কিন্তু বাস্তবে দেখা যায় যে হাসির রচনা বারিা লিখে গিয়েছেন তাঁরা সকলেই গম্ভীর প্রকৃতির লোক। ঠেরলোকনাথ, প্রভাতকুমার, পরশুরাম সকলেরই প্রকৃতি গম্ভীর। প্রাচীনদের মধ্যে মুকুন্দরাম ও ভারতচন্দ্র গম্ভীর প্রকৃতির ছিলেন বলেই বিশ্বাস করতে ইচ্ছা হয়, কারণ তাঁদের দু'জনেরই দৃষ্টির মধ্যে এত হাসিকে কেমন করে তাঁরা বন্ধা করেছেন সে এক বিস্ময়। শমীবন্ধু আপন অভ্যন্তরে আশ্বিনকে কিভাবে রক্ষা করে? ব্যতিক্রম বোধ করি দীনবন্ধু। দীনবন্ধু আমোদপ্রিয় মজলিসী ব্যক্তি ছিলেন। আবার তিনিও ব্যতিক্রম কিনা সন্দেহ করবার কারণ আছে, যেহেতু খুব সম্ভব একই সঙ্গে দু'টি বিপরীত ব্যক্তিত্বকে অন্তরে তিনি পোষণ করতেন। একজন সামাজিক ব্যক্তি, অপরজন সাহিত্যিক। তবু না হয় স্বীকার করা গেলে তিনি ব্যতিক্রম।

প্রকৃত হাস্যরসের মধ্যে একটা গাম্ভীর্য আছে, প্রকৃত হাস্যরস আর যাই হোক তরল নয়। কালিদাস যে কৈলাস পর্বতকে গ্রাম্বকের অটুহাসির সঙ্গে তুলনা করেছেন সে এই জন্যে। প্রকৃত হাস্যরস করণার রূপান্তর বলেই তা গহন গম্ভীর। এ কথাই সবাই বোঝে না বলেই হাসির গল্পের লেখককে দেখতে গিয়ে আমদে লোককে প্রত্যাশা করে। পরশুরামকে দেখতে গিয়ে অনেকেরই সন্দেহ হয়েছে এ কেমন ধারা হলো, ইনি যে গম্ভীর রাশভারী লোক।

অনুদ্রুপা দেবীর এইরকম আশাভঙ্গ হয়েছিল। “আমার বিশ্বাস ছিল ‘পরশুরাম’ আমার পরম স্নেহাল্পদ ‘বিশ্ব’র স্বামী, তাঁর লেখার মতই খুব হাসিখুশিতে ভরা অত্যন্ত সামাজিক, চালাক, চটপটে একটি আমদে লোক হবেন। কিন্তু ঠিক দেখে মনে মনে ভাবলাম—ইনি কি করে ওই সব অপূর্ব হাস্যরসের আধার হলেন? এ মেন ‘পরশুরাম’ মধ্যে তাল’। মজলিসের ধাক্কাতে আমার একান্ত অন্তরঙ্গ বন্ধু, আমার স্বামীর সহপাঠী সাবজজ ব্রজেন ঘোষের স্ত্রী পঞ্চকলিনী ঘোষের মারফত তাঁর ছোট বোন (কিনিস্টা নয়) বিশ্বের সঙ্গে পরিচয় খেটেছিল তার পরে। তার স্বামীর কথা, তাঁর আঁকা বিশ্বের চিত্র (অসুখের পূর্বে, তৎপরে ইত্যাদি) ও নানা সরস মন্তব্য দেখে শুনে এ রকম ধারণাটাই বোধহয় পাকা হয়ে গেছিলো। ঘাছোক, পরে সে বিষয়ে সামঞ্জস্য করবার সুযোগও যথেষ্ট রূপেই আমি পেয়েছিলাম। তাঁর লেখার মতই তাঁর গম্ভীর সৌজন্যপূর্ণ গাম্ভীর্যময় স্মৃতিস্ত ব্যবহারে তাঁর অন্তরের কোন গম্ভীরে যে তাঁর অন্তঃসলিল সহজাত হাস্যরস প্রবাহিত ছিল তার সম্যক স্থান লাভ করেছে। আর মেথরি তাঁর ধ্যানমগ্ন শোকগম্ভীর সে রূপটুকু। বাস্তবিক একাধারে এমন শান্তসমাহিত

এবং সিন্ধুরস চরিত সংসারে বড় কম দেখা যায়।" (কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

কবিশেখর কালিদাস রায় মহাশয়ও আমাদের মনস্তত্ত্বের সমর্থক। "রাজশেখরবাবু, রাশি-রাশি পুস্তক রচনা করেন নাই, মাসিক পত্রিকায় কটিং কখনও তাঁর লেখা দেখা যায়। জীবনিকায় জন্য তিনি লেখেন নাই, বাণীকে বানরী করিয়া সভায় সভায় তিনি নাচান নাই, সাহিত্যকে পণ্য করিয়া তিনি গ্রন্থবণিক সাজেন নাই, দেশের সভা-সমিতি, সমাজের নানা অনুষ্ঠানের নিমন্ত্রণ-সভা, সাহিত্যিক বৈঠক, গোষ্ঠী, মজলিস কোথাও তাঁহাকে দেখা যায় নাই। এই ভাবে তিনি সাহিত্যিক অভিজ্ঞতা অক্ষুণ্ণ রাখিয়া চলিয়াছেন।

তাঁহাকে 'রাজশেখর দাদা' বলিয়া কেহ আহ্বান করিতে সাহসী হন নাই। প্রপলভতা, চাপলা বা ধৃষ্টতা দূর হইতে তাঁহাকে নমস্কার করিয়া চলিয়া যায়। তিনি কাহারও লুভ প্রসাদ গান করেন নাই, অমিকা, পরিচারিকা, প্রশংসাপত্র ইত্যাদির পুটে প্রসাদ বিতরণ করেন নাই, অযোগ্যকে মিথ্যা স্তোত্রবাক্যে আশ্বস্ত করেন নাই, আচার্য সাজিয়া সহস্রের প্রথাগত প্রণিপাতে ও মুদ্রিত অর্ঘ্য গ্রহণ করেন নাই।

তাহার জীবনে যেমন একটা বিবিধতা ও বিচিহ্নিত দেখা যায়—রচনাতেও তেমনি আত্ম-নিগূহন ও প্রথম শ্রেণীর আর্টিস্টের পক্ষে যে detachment ও impersonality স্বভাবিক তাঁহাই লক্ষিত হয়। রাজশেখরবাবু নিজে না হাসিয়া হাসান, নিজে না কাঁদিয়া কাঁদান, নিজে অন্তরালে থাকিয়া ঐন্দ্রজালিক মায়ী হিন্দুতার করেন—এ বিষয়ে তিনি বিখ্যাতই মন্তবিন্দ্য।" (কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

এই মনস্তত্ত্বের আর একজন সাক্ষী বর্তমান লেখক। সে ১৯৩৪ সালের কথা, কলিকাতা বিশ্ববিদ্যালয় পরিভাষা কমিটি গঠন করেছে, অবৈতনিক সম্পাদক অধ্যাপক চারুচন্দ্র ভট্টাচার্য, বেতনভুক্ত সহকারী সম্পাদক বর্তমান লেখক, সভাপতি রাজশেখর বসু। প্রথম দিনের অধিবেশনে আগ্রহভরে সভাপতির অপেক্ষায় আছি, আগে কখনও তাঁকে দেখিনি। নির্দিষ্ট সময়ে সোমামর্তি প্রৌঢ় ভদ্রলোক প্রবেশ করলেন, গায়ে সাদা খন্দরের গলাবন্ধ কোট, পরনে খন্দরের ধুতি (এ পোশাক ছাড়া অন্য পোশাকে তাঁকে কখনও দেখেছি বলে মনে পড়ে না) হাতে কাগজের ফাইল, গম্ভীর প্রসন্ন মুখ। সে প্রসন্নতা কতকটা স্বভাবের, কতকটা প্রতিভার। ঐ প্রসন্নতাটুকু না থাকলে তাঁকে কে-কোন বড় একটা অফিসের অভিজ্ঞ বড়বাবু বলে মনে হওয়া অসম্ভব নয়। ক্রমে টেবিলের চারধারের চেয়ারগুলি পূর্ণ হয়ে উঠল, সকলেই পুণী-জ্ঞানী ব্যক্তি, অধিকাংশই নামজাদা অধ্যাপক। বিজ্ঞানের নানা শাখার পরিভাষা সংকলিত হচ্ছে, নানা শাখার অভিজ্ঞ ব্যক্তিগণ আছেন, সভাপতির সব শাখাতেই সমান অধিকার। বাঙালীর সভার কাজ চালানো সহজ নহে, কাজের কথাকে ছাপিয়ে ওঠে অকাজের কথা। অকাজের কথায় সভাপতি যোগ দেন না, চুপ করে শোনেন, কিছুক্ষণ পরে কথার মোড় ঘুরিয়ে কাজের কথায় নিয়ে এসে ফেলেন। কোন একটা বিষয়ে কতজনে কতরকম মন্তব্য করছেন সভাপতি নীরব শ্রোতা সকলের সব মন্তব্য শেষ হলে দুটি একটি ক্ষুদ্র কথায়—শিখা জ্বলে দিলেন তিনি। সমস্ত পরিষ্কার হয়ে গেল। এই সভা দীর্ঘকাল চলেছিল। দীর্ঘকাল তাঁকে টেবিলের অন্য প্রান্ত থেকে দেখবার সুযোগ পেয়েছি। কখনও কখনও সভার অধিবেশন বসেছে তাঁর সুকিয়া স্ট্রীটের ভাড়া বাড়িতে। বস্তুতঃ সভা চালানতে এমন যোগ্য সভাপতি আমার চোখে পড়েনি। সভাপতির মধ্যে কোনদিন 'গুডলিটার' লেখককে দেখতে পাইনি, বড় জোর দেখতে পেয়েছি বেঙ্গল কোমিকেলের অভিজ্ঞ ম্যানেজারকে। ব্যক্তির শক্তিতে তিনি রাজশেখর বসু। পরশুরামকে সম্পূর্ণ স্বাভাবিক কোঠার রক্ষা করতে সমর্থ হয়েছেন। এই ম্বাতন্ত্রের ভাব অপর একজন ব্যক্তিও লক্ষ্য করেছেন। "গখন তাঁর সপ্নে ধনিষ্ঠ পরিচয়

হয়েছে সেই সময় একদিন আমার Bengal Chemical-এর আপিসে—যে আপিসের তিনি সে সময়ে Manager ছিলেন—কার্যবশতঃ দেখা করতে যেতে হয়েছিল। কাজের কথা হয়ে যাবার পর আমি—যেমন আমাদের বেশীর ভাগ লোকেরই অভ্যাস—তাকে দু-একটা বাড়ির খবরের কথা জিজ্ঞেস করেছিলাম। কিছুমাত্র কথা না করে তিনি তখনই বলে দিলেন—ও সব কথা ত আপিসের নয়—আপিসের সময় নষ্ট না করে বাড়িতে জিজ্ঞেস করবেন—এই বলে তিনি নিজের কাজে মন দিলেন। তখন আমার বয়স অনেক কম ছিল, তাঁর কাছে থেকে এই শিক্ষা তখন পেয়েছিলাম যে, আপিস আপিসই, বাড়ি নয়—কর্তব্যের সময় কর্তব্য করে যাওয়াই সঙ্গত; অন্য কাজে বা কথায় সময় নষ্ট না করাই উচিত।" মেজদা—শ্রীসংকল্প মিত্র। (কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

কয়েক বৎসর পরে কাজ শেষ হয়ে গেলে পরিভাষা কমিটি উঠে গেল, পরিভাষা কমিটির সিদ্ধান্তগুলি এখন 'চলন্তিকা' অভিধানের পরিশিষ্টে স্থান পেয়েছে। তখন তিনি বকুল-বাগান রোডে বাড়ি তৈরী করে উঠে গিয়েছেন। সে বাড়িতে অনেকবার গিয়েছি, কখনও দরকারে, অধিকাংশ সময়েই অদরকারে। যেতেই প্রথম প্রশ্ন করেছেন, চা-মা কি? তাঁর সম্মুখের মধ্যে আড়ম্বর ছিল না, তবে সহৃদয়তার কখনও অভাব দেখিনি। সেখানেও দেখেছি দুটি একটি কথায় আলোচনার জট ছাড়তে তার স্বভাবিক নিপুণতা। আমরা হয়তো অনেক কথা বললাম, মূহুর্তে তার মধ্যে থেকে আলগোছে আসল কথাটি তুলে নিলেন। এও তাঁর শিক্ষা ও স্বভাবের ফল। তাঁর বাড়িটিও তাঁর গায়ের খন্দরের কোটের মত অন্যতর প্রশস্ত, বিলাসিতা নেই অথচ সম্পূর্ণ বাসোপযোগী। আর একটা লক্ষ্য করবার জিনিস তাঁর গায়ের কোর্টটি, যেটা প্রথমেই চোখে পড়েছিল পরিভাষা কমিটির অধিবেশনে। নিপুণ জাদুকর যেমন পোশাকের নানা অধিসাধি থেকে বিচিত্র বস্তু টেনে বের করেন, তেমনি বের করতেন তিনি কোর্টের পকেট থেকে। অনেকগুলি পকেট, কোনোটা চশমার খাপ রাখবার, কোনোটা ফাইলপেন রাখবার, কোনোটা থেকে বা বের হতো পেরিস্কোপ কাটা ছুরি ও রবার, প্রায় তাঁর 'অটোমটিক শ্রীদর্শন' আর কি! মোটের উপরে রাজশেখর বসু, সম্মান, অমায়িক, গম্ভীর প্রকৃতির ব্যক্তি, প্রকৃত হাস্যরসিকের যেমন হওয়া উচিত তার চেয়ে কম বা বেশী নয়। এ পর্যন্ত যা জানা গেল, তাতে আর দশজন হাস্যরসিক সাহিত্যিকের সঙ্গে তরি মিল আছে। এবারে অমিলটা কোথায় দেখা যাক। মিলে-অমিলে মিলিয়ে চেহারাটা স্পষ্ট হয়ে উঠবে আশা করা যায়।

কোনো লেখকই আকাশের শূন্যতার জন্মগ্রহণ করে না, তারা ছোট বড় মাঝারি যে দলেরই লেখক হোক না কেন। লেখকের সামাজিক পরিবেশ, দেশ ও কালের প্রভাব, পারিবারিক প্রবণতা প্রভৃতি লেখককে অজ্ঞাতে নিয়ন্ত্রিত করে, এখানে লেখক মানে তার শক্তির বিশেষ রূপটি। এখন কোন লেখককে সমাকভাবে বুঝতে হলে এই সমস্তের সঙ্গে মিলিয়ে নিয়ে কিংবা এই সমস্তের মানচিত্রের উপরে যথাস্থানে তাকে প্রতিষ্ঠিত করে বুঝতে হবে। 'কবিকে পাবে না কবির জীবনচরিত', একথা সর্বদা স্মরণ রাখা হবে; জীবনচরিত যদি স্বার্থ হয় তবে অবশ্যই কবিকে তাতে পাওয়া যাবে। আরও একটু সূক্ষ্মভাবে বিচার করলে বলতে হবে যে লেখকের শৈল্য বা বড়জোর বাল্যকালের কয়েক বছর তাকে গঠন করে তোলে। 'Child is father of the man' এ আদৌ কবির অন্তর্ভুক্ত নয়। আরবা-উপন্যাসে দেখা গিয়েছে যে, সিদ্ধবাল এক বৃদ্ধকে কাঁধে নিয়ে চলতে বাধ্য হয়েছে, মানুষের খেলায় ঠিক তার উল্টো।

প্রত্যেক মানুষ তার শৈশবকে কাঁধে নিয়ে আমৃত্যু চলেছে। লেখকের পক্ষে একথা আরও সত্য, কেননা লেখক যে জীবনরহস্যের সন্ধানী তার চাবিকাঠি এই শিশুটার হাতে।

রবীন্দ্রনাথের 'শ্যামের গণ্ডি', তেতলায় বসে দুপুরের আকাশে চিলের ডাক শ্রবণ, পেনসিলের বাগানে প্রথম গণ্গাদর্শন প্রভৃতি আদৌ অকিঞ্চিৎকর ঘটনা নয়। পারিবারিক বিগ্ৰহের প্রতি বিন্দুমাত্রের ভক্তি, কিংবা সাগরদাঁড়ি গ্রামে নৈসর্গিক দৃশ্যাবলী মধুসূদনের মনে যে সূক্ষ্ম প্রভাব বিস্তার করেছিল, তার ক্রিয়া শেষ পর্যন্ত সঞ্জয় ছিল। মানুষ দশ-বারো বছর বয়স পর্যন্ত বা গ্রহণ করে তাই তার স্বার্থ পূর্জি, তারপরে অভিজ্ঞতা বৃষ্টির সঙ্গে নতুন সপ্তয় যতই হোক, পূর্জিতে যতই মনোফা দেখানো যাক না কেন, মূলধনের পরিমাণ বাড়বে না। এ সত্য রাজশেখর বসু সম্বন্ধে বোলখানা প্রযোজ্য। কাঁপকে জানতে হলে তার জীবনের ভিতর দিয়ে জানতে হবে, কাজেই রাজশেখর বসুর সাহিত্য-বিচারের আগে তার জীবন-বিচার আবশ্যিক।

রাজশেখরবাবু নিজে খ্যাতি সম্বন্ধে উদাসীন ছিলেন, স্মৃতিরূপা, জীবনচরিত বা কোন-রকম বসড়া লিখবার কথা ভাবেন নি। অধিকাংশ লেখক খ্যাতির প্রদীপের শিখাটিকে নিজেই উস্কে দেয়, কেউ বা প্রত্যেকে কেউ বা গোপনে, রাজশেখরবাবু কিছুই করেন নি। তবে সৌভাগ্যবশত তার স্বজন ও অনুরাগীগণ কিছু করেছেন বটে। এখানে আমরা সেই সব রচনার সুযোগ গ্রহণ করলাম। উদ্ঘৃতিগুণি কিছু দীর্ঘ হওয়া সত্ত্বেও ভীত হইনি, কারণ গ্রন্থাবলীর সঙ্গে জীবনের বিস্তৃত পরিচয় সংযুক্ত থাকে নিত্য স্বাভাবিক।

প্রথম উদ্ঘৃতিতে রাজশেখর বসুর বাল্যকালের কিছু বিবরণ পাওয়া যাবে।

"স্বারভাঙ্গা ঘুরে এসে একবার চন্দ্রশেখর (পিতা) বললেন, 'ফটিকের নাম ঠিক হয়ে গেছে।' মহারাজ (লক্ষ্মীশ্বর সিং, প্রোটারি রামধন) জিজ্ঞাসা করলেন, 'তোমার দ্বিতীয় ছেলের নামও একটা শেখর হবে নাকি? কি শেখর হবে?' আমি বললাম, 'ইওর হাইনেস, যখন তাকে আশীর্বাদ করেছেন, তখন আপনিই তার শিরোমাল্য,—আমি আপনার সামনে তার নামকরণ করলাম রাজশেখর। দারভাঙ্গার রাজা যার শিরে আছেন,—রাজা মহেন্দ্রপালের সভাকবি থেকে এ নাম নেওয়া হয়নি।

মা যখন তার হাতে খেলনা দিতেন, টিনের এঞ্জিন, রবারের বাঁশি, স্প্রিং-এর লাটু, এক ঘণ্টার মাথোই রাজশেখর লোহা, পাথর ও হাতুড়ি দিয়ে ভেঙ্গে দেখতো ভেতরে কি আছে,—কেন বাজে?—কেন ঘোরে?

স্বাভাবিক কলকাতা থেকে স্প্রিং-এর নতুন এঞ্জিন আসতো, মা রাজশেখরের হাতে দেবার সময় বলতেন, দেখিস্ যেন ভাঙিস না। অমনি চার বছরের ছেলের মূখ অভিমানে গম্ভীর হয়ে গেল,—খেলনা নেবে না! তারপর মা বললেন, 'এই নে যা খুঁশি কর!' তখন নিয়ে খানিকক্ষণ চালিয়ে রাজশেখর এঞ্জিনটার মূখপাত করতো।

রাজশেখর আরো বড় হলে কলকাতা থেকে একটা আড়াই টাকা দিয়ে এঞ্জিন কিনে এনেছে। তাতে ইস্পিরিট দিয়ে চালাবার জন্য আমাদিগকে সব ডাকলো। সোঁ সোঁ হিস হিস করচে সিঁট, কিন্তু এঞ্জিন চলচে না। সায়েনটীফিক স্কোলাস্টিক্যাল ব্রেন বিপদ ঘটবে বুঝে নিলে—চিৎকার করে বললে, 'দাদা পাল্লাও! পাল্লাও!' সবলে পালিয়ে অন্য ঘরে ঢুকে দরজা বন্ধ করে দিলাম। দড়াম করে বিকট আওয়াজে আড়াই টাকার বয়লার ফাটলো। সবলেই চিৎকিত, —কর্ড মেলের বয়লার ফাটে যদি?

রাজশেখরের বয়স যখন চার তখন সে ফুলস্টপ দিতে শিখলো। দুজন লোক একটা বড় কাগজ ঘরে দাঁড়িয়ে থাকতো আর পায়জামা চায়না কোট পরা রাজশেখর একটা পেনসিল

নিরে ছুটে এসে কাগজটা ফুটো করে পেনসিল ভেঙে দিতো। এই তার হাতেখড়ি। পাকেটে অটোমেটিক পেনসিল, হাতে লোহার স্ট্র্যাপ, কখনও বা কাঠের 'সেটি'।

যখন দারভাঙ্গার এলাম তার বয়স তখন সাত আন্দাজ। আমি লুকিয়ে বাবার বাস্র থেকে 'বেগম' সিগারেট চুরি করে খাই। রাজশেখর যখন আর একটা বড় হলো বললাম, 'ওরে ফটিক, একটা সিগারেট টান দিকি, এতে ভারি মজা!' রাজশেখর একটা টেনে ফেলে দিলো।

বুড়ো বয়সে যখন দিল্লীতে অপারেশন হল বেচারী স্বল্পপ্রায় ছটফট করচে। ডাক্তার মন্তোষকুমার সেন পেশেন্টকে অনামনস্ক করবার জন্যে বলেন, 'সিগারেট খান একটা!' পেশেন্ট বলে, 'বাই না।' 'কখনও খাননি?' রাজশেখর উত্তর দিল, 'আমার দাদা একবার লুকিয়ে খাইয়েছিল ছেলেবেলায়।' ডাঃ সেন বলেন, 'You ought to have continued it!' এবং পেশেন্ট ও ডাক্তার হেসে উঠলেন। যারা বলেন, রাজশেখর হাসে না, তাঁরা দেখবেন রোগবন্দপতেও কি রকম মজা করবার বোঁক। আট বছর বয়সে মাছ মাংস ঘৃণায় ত্যাগ করলো। লোক বলল, 'রাজশেখর বৌম্বধর্মে দীক্ষিত হবে। ই'দুর কলে পড়লে ছেড়ে দিত, মারত না।' (রাজশেখরের ছেলেবেলা : শিশুশেখর বসু : শারদীয়া মৃগান্তর)।

দ্বিতীয় উদ্ঘৃতিতে বাল্যকালের বিবরণ কিছু থাকলেও বেশি করে আছে কলকাতার তাঁর কলেজ জীবনের কথা এবং চাকুরী জীবনের প্রারম্ভের বিবরণ।

"১৮৮০ খ্রীষ্টাব্দের ১৩ই মার্চ মঙ্গলবার বর্ধমান জেলার শক্তিগড়ের সমিকটস্থ বামন-পাড়া গ্রামে তাঁর জন্ম হয়। বামনপাড়া হচ্ছে রাজশেখরের মামার বাড়ি। আর পৈতৃক নিবাস নদীয়া জেলার কুকনগরের নিকটবর্তী উলা বীরনগর।

চন্দ্রশেখর বসুর চার পুত্র : শিশুশেখর, রাজশেখর, কৃষ্ণশেখর, গিরীন্দ্রশেখর। চন্দ্রশেখরের জন্ম হয় ১৮৩০ খ্রীষ্টাব্দে। ইহারো মহিনগর সমাজভুক্ত বড়ানিবাসী কনিষ্ঠ ধবু বসুর সন্তান। চন্দ্রশেখরের বৃন্দপ্রাপ্তামহ রামসন্তোষ বসু পলাশী যুদ্ধের পঞ্চাশ বর্ষ পূর্বে উলার মুস্তোফী বাটীতে বিবাহ করেন।

রাজশেখরের পিতা চন্দ্রশেখর সামান্য অবস্থায় জীবনসংগ্রাম শুরু করেন। তবে তাঁর যোগ্যতার গুণে দ্রুত উন্নতির মধ্য দিরা আত্মপ্রতিষ্ঠায় সক্ষম হন। তিনি যখন মশোহর জেলার সামান্য একজন ডাক বিভাগের কর্মচারী, সেই সময়ে নীলকর সাহেবদের অত্যাচার সম্পর্কে অনুসন্ধান করে কলকাতায় যে রিপোর্ট দাখিল করেছিলেন, তারই উপর ভিত্তি করে কলকাতায় ইন্ডিগো কমিশনের তদন্ত কাজ চলে।

চন্দ্রশেখর সাহিত্য এবং দর্শনশাস্ত্রে বিশেষ অনুরক্ত ছিলেন। তিনি মহর্ষি দেবেন্দ্রনাথের তত্ত্ববোধিনী সভার সঙ্গে ঘনিষ্ঠভাবে যোগাযোগ বজায় রাখতেন। তত্ত্ববোধিনী পত্রিকায় নিয়মিত লিখতেনও। তার রচিত বেদান্তপ্রবেশ, বেদ্যতদর্শন, সৃষ্টি, অধিকারতত্ত্ব, প্রলয়-তত্ত্ব প্রভৃতি গ্রন্থ সকালে খ্যাতিলাভ করেছিল।

পরবর্তীকালে চন্দ্রশেখর স্বারভাঙ্গার মহারাজার ম্যানজার পদে বহাল হয়ে দীর্ঘকাল বাংলার বাইরে অতিবাহিত করেন। রাজশেখরের বাল্যকাল পিতার সঙ্গে বাংলার বাইরেই কেটেছে। প্রথম সাত বৎসর তিনি মৃগেশ্বর জেলার খল্লাপুরে কাটান। তারপর ১৮৮৮ থেকে ১৮৯৫ পর্যন্ত স্বারভাঙ্গার রাজ ফুলে পড়ে এন্ট্রান্স পরীক্ষায় উত্তীর্ণ হন। স্বারভাঙ্গার দুলে রাজশেখরই তখন একমাত্র বাঙালী ছাত্র ছিলেন। বাল্যকাল থেকেই তাঁর পিতার নিয়ম-নিষ্ঠা প্রভৃতি সঙ্গুগুণের স্বারা রাজশেখর এবং তাঁর প্রাত্যহিক প্রভাবান্বিত হন। চন্দ্রশেখর নিজে ছেলের হস্তলিপি, পরিষ্কার-পরিচ্ছন্নতার দিকে নজর রাখতেন। পরে বড় হয়েও জীবা বাল্যকালের ভিত্তিপত্তনকে অগ্রাহ্য করেন নি। স্বাভিজীবনের ক্ষেত্রেও তাঁরা সেই ধারা বহন করে চলেছেন। বাংলাদেশের বেঙ্গল চর্চার সঙ্গো এদিক দিয়ে তাঁর 'আমচ' ব্যতিক্রম।

১৮৯৫-৯৭ খ্রীষ্টাব্দে রাজশেখর পাটনা কলেজে ফার্স্ট আর্টস পড়েন। এই সময়ে রাজেশ্বরপ্রসাদের জ্যেষ্ঠ ভ্রাতা মহেশ্বরপ্রসাদ তাঁর সহপাঠী ছিলেন। পাটনা কলেজে তাঁর সঙ্গে আরও জন-দশেক বাঙালী ছাত্র পড়তেন। সে মহলে সাহিত্য-আলোচনা হত, তবে তা তেমন দানা বোধে উঠতে পারেনি। বাঙালী মন তখনও হেম-মধু-কণিকের প্রভাব-প্রতিপত্তির আওতায় চলছিল। রবীন্দ্রনাথের কবিখ্যাতি হয়েছে, তবে সেরকম প্রকট হয়নি।

১৮৯৭ খ্রীষ্টাব্দে রাজশেখর পাটনার পর্ব চুকিয়ে কলকাতায় বি. এ. পড়বার জন্য এলেন, প্রেসিডেন্সী কলেজের বিজ্ঞান শাখায় তিনি ভর্তি হলেন। এই বছরই তাঁর বিবাহ। তাঁর পত্নী মৃগালিনী ছিলেন শ্যামাচরণ দের পৌত্রী। রাজশেখর ও মৃগালিনীর সন্তান বলতে একমাত্র কন্যা প্রতিমা।

প্রেসিডেন্সী কলেজে রাজশেখর যখন পড়েন সে সময়ে শ্রীহরেন্দ্রপ্রসাদ ঘোষ ও পড়তেন, তবে হেমেন্দ্রবাবু আর্টসের ছাত্র ছিলেন। রাজশেখরের সতীর্থদের মধ্যে শরৎচন্দ্র দত্ত পরবর্তী-কালে জার্মানী থেকে বিশেষ শিক্ষা লাভ করে দেশে ফিরে এ্যাডভোকার জট নামে বৈদ্যুতিক যন্ত্রপাতির একটি ব্যবসায় প্রতিষ্ঠান গড়ে তোলেন। এ ছাড়া আর্ট প্রেসের নরেন্দ্রনাথ মুখোপাধ্যায় এবং নরেন্দ্রনাথ শেঠও তাঁর সহপাঠীদের মধ্যে বিশেষ ভাবে উল্লেখযোগ্য।

আচার্য জগদীশচন্দ্র বসুর কাছে রাজশেখর সামান্য কিছুদিন বি. এ.-তে পড়তেন। অনেকের ধারণা আছে যে, তিনি আচার্য প্রফুল্লচন্দ্র রায়ের ছাত্র, এ ধারণা ভুল। অবশ্য পরবর্তী জীবনে প্রফুল্লচন্দ্রের সাহচর্যে রাজশেখর উপকৃত হয়েছিলেন, তবে সেটা কর্মজীবনে, ছাত্রজীবনে নয়।

১৮৯৯ খ্রীষ্টাব্দে তিনি কেম্ব্রিজ এবং ফিজিকের দ্বিতীয় শ্রেণীর অনার্স নিয়ে বি. এ. পরীক্ষায় উত্তীর্ণ হন। এর একবছর পরে অর্থাৎ ১৯০০ খ্রীষ্টাব্দে রসায়নশাস্ত্রে প্রথম স্থান অধিকার করে রাজশেখর এম. এ. পরীক্ষায় সুগৌরবে উত্তীর্ণ হলেন।

পাটনা এবং কলকাতার থাকবার সময়েও ছাত্রভাণ্ডার সঙ্গে তাঁর যোগাযোগ অব্যাহত ছিল।

এম. এ. পাশ করার দু-বছর পরে তিনি আইন অধ্যয়ন সমাপ্ত করে বি. এল. পরীক্ষাটিও পাশ করে ফেললেন। এরপর স্বভাবতই হাইকোর্টে আইন ব্যবসারের উদ্যোগ করার কথা। কিন্তু মাত্র তিনদিনেই আদালতে পসার জমাবার উদ্যমে জলাঞ্জলি দিয়ে বসলেন। আইন ব্যবসারীর খোলস চাপকানগুলি বিলিয়ে দিলে দায়মুক্ত হয়ে তিনি স্বস্তির নিশ্বাস ফেললেন।

রাজশেখর প্রকৃতিগত ভাবেই সং এবং ভদ্র। শূদ্র একথা বললেও সম্পর্কে বলা হয় না। তিনি সংযত শান্ত এবং অন্তর্গম্ভীর মানুষ। তাঁকে দিয়ে গবেষণাদির চিন্তাপ্রধান কাজই ভাল হতে পারে, এ কথা তিনি নিজেও বেশ বুঝেছিলেন।

“১৯০০ খ্রীষ্টাব্দে আচার্য প্রফুল্লচন্দ্র রায়ের সঙ্গে সাক্ষাৎ হল এবং রাজশেখর বেংগল কেমিকেল ওয়ার্কস-এ রাসায়নিকের পদে বহাল হলেন। তখন সারকুলার রোডে বেংগল কেমিকেলের কার্যালয় ছিল। সারকুলার রোড থেকে কার্যালয় স্থানান্তরিত হয়ে নয়া বৎসর এ্যালাব্যাট বিল্ডিংস-এ ছিল। বর্তমান বেংগল কেমিকেলের আপিস চিত্তরঞ্জন এডেনড্রোডে অবস্থিত। প্রথমে রাজশেখর কিছুকাল থাকেন বেচু চার্টজো স্ট্রীটের ভাড়া-বাড়িতে, তারপর পাশাঁবাগানের পৈতৃক গৃহে অবস্থান করেন। কাজে বহাল হওয়ার এক বছরের মধ্যেই তিনি উচ্চ প্রতিষ্ঠানে ম্যানেজার হলেন। এবং ১৯০৬ খ্রীষ্টাব্দে তিনি বেংগল কেমিকেলের সর্বমম কর্তৃপক্ষের ভার গ্রহণ করলেন। সেই থেকে ১৯৩২ খ্রীষ্টাব্দ পর্যন্ত এই স্বদেশী প্রতিষ্ঠানটির প্রভূত উন্নতিসাধন করে অবসর গ্রহণ করেন। অবশ্য এখনও পরোক্ষভাবে বেংগল

কেমিকেল তাঁর কাছে উপদেশ পরামর্শ গ্রহণ করে থাকেন।” (গৌরীশঙ্কর ভট্টাচার্য। কথা-সাহিত্য : রাজশেখর বসু সংবর্ধনা সংখ্যা : প্রাবণ, ১০৬০)

এই দুটি অংশ পড়লে ঠেংগে, বালা ও প্রথম মৌবনের একটা খসড়া পাওয়া যাবে। আপাততঃ এতেই আমাদের সন্তুষ্ট থাকতে হবে, কারণ এর বেশী তথ্য পাইনি, আর আমার বিচারে তার প্রয়োজন আছে বলে মনে হয় না। কারণ এই বয়সের মধ্যেই তাঁর ভারী রচনার গাধুনি পাকা হয়ে গিয়েছে। তবে আর একটা পরিচয় এখানে উল্লেখ করে দিচ্ছি। চোন্দ্র নন্দর পাশাঁবাগান বসু ভ্রাতৃগণের পৈতৃক বাসভবন। এই বাড়িটি ও এখানে যে নিয়মিত আড্ডা বসতো নামান্বতরে পরশুরামের রচনায় তা অমরর লাভ করেছে।

“১৪ নম্বর পাশাঁবাগানে একটি বিরাট আড্ডা বসিত। পরশুরামের গণ্ডে ইহা ১৮ নম্বর হাবসীবাগান বলিয়া পরিচিত। ১৪ নম্বর ছিল বসু ভ্রাতৃগণের পৈতৃক বাসভবন। চারি ভ্রাতার মধ্যে রাজশেখর বসু মধ্যম, আমরা মেজদা বলিতাম; ডক্টর গিরীন্দ্রশেখর বসু কনিষ্ঠ। সে আজ ত্রিশ বৎসরের কথা তাঁহাদের সহিত প্রথম আলাপ। প্রতিদিনই মজলিস বসিত, জমজমাট হইত রবিবার, বৈঠকখানা গমগম করিত, সেদিন সকলের ছুটি। সেই বৈঠকে কত ভাঙ্কার, কত অধ্যাপক, কত বৈজ্ঞানিক, কত সাহিত্যিক, কত শিল্পী, কত ঐতিহাসিক উপস্থিত থাকিতেন তার ইয়ত্তা নাই। তার নামকরণ করা হইয়াছিল ‘উৎকেন্দ্র সন্মিতি’। প্রথমে একটা ইংরেজী নামই ছিল, বাংলা নামটি দেন রাজশেখরবাবু। সেই মজলিসে চা, দাবা ও তাদের সঙ্গে চলিত মনস্তত্ত্ব, বিজ্ঞান, শিল্প, কাব্য, পুরাণ, ইতিহাস এবং সাহিত্যের আলোচনা। প্রতি রবিবার বন্দুকের রক্তেন্দ্রনাথ বন্দ্যোপাধ্যায় এবং আমি একসঙ্গে দুপুরবেলা সেই মজলিসে উপস্থিত হইতাম। আড্ডাধারী ছিলেন প্রসিদ্ধ চিত্র-শিল্পী চিরকুমার যতীন্দ্রকুমার সেন। তিনি প্রতিদিন দুপুরে উপস্থিত হইয়া সম্ভার পর বাড়ি ফিরতেন। তাঁহার হাতে তৈয়ারী চা আড্ডার একান্ত উপভোগ্য বস্তু ছিল। এ তার আর্টিষ্ট স্বয়ং গ্রহণ করিয়াছিলেন, এবং এ দায়িত্ব কাহারও উপর ছাড়িয়া দিয়া তাহার তৃপ্তি ছিল না।

এই বৈঠকে জলধরনা নিতা আসিতেন। শ্রীকেন্দ্রনাথ চট্টোপাধ্যায়, ভাঙ্কার সত্য রায়, অধ্যাপক মনমথনাথ বন্দ্যোপাধ্যায়, শ্রীকেন্দ্রনাথ বসু, ডক্টর সুহৃৎচন্দ্র মিত্র, অধ্যাপক হরিপদ মাইতি, ডক্টর বিজেন্দ্র গণ্ডোপাধ্যায় প্রভৃতি নিয়মিতভাবে উপস্থিত থাকিতেন। আচার্য বন্দুনাথ সরকার, প্রভাতকুমার মুখোপাধ্যায়, শরৎচন্দ্র চট্টোপাধ্যায়, রাখালদাস বন্দ্যোপাধ্যায়, ডক্টর সুন্দরীকুমার চট্টোপাধ্যায়, ডক্টর বিরজাশঙ্কর গুহ, শিল্পী পূর্ণচন্দ্র ঘোষ, শিল্পী পুন্ডিন-চন্দ্র কুন্ডু, কখনও কখনও আসিতেন। পাটনার অধ্যাপক রঞ্জী হালদার ছাটি পাইলেই পাশাঁবাগানে নম্রুপস্থিত হইতেন। ক্যাপ্টেন সত্য রায়ের পিতা আচার্য যোগেশচন্দ্র রায় কালিকাতার আসিলেই এখানে আসিতেন। আরও অনেকে থাকিতেন যাহাদের সহিত সাহিত্য বা অধ্যাপনার কোন সম্পর্ক ছিল না, কিন্তু তাহারা গল্প এবং কথাবার্তার আসর সরগরম করিয়া রাখিতেন। জলধরনা অধিকাংশ সময় নীরব থাকিতেন, তিনি কানে কম শুনিতেন। প্রশ্নেয় ব্যক্তির কানে না যায় এমন সব কথাই আলাপ যখনই জমিয়া উঠিত তখনই দাবা বলিয়া উঠিতেন, ‘আঁ, কি বলছ ভাই?’ মজলিসের কথা কদাচিৎ তাহার কান এড়াইয়া থাকিত।

একদল তাস লইয়া বসিত। ক্যাপ্টেন সত্য রায় ও আমি মাঝে মাঝে দাবা লইয়া বসিতাম। গিরীন্দ্রবাবু, কখনও কখনও তাহাতে যোগ দিতেন। কিন্তু রক্তেন্দ্রনাথ কখনও খেলায় আমল দিতেন না। এই দাবা খেলার মধ্যে দিয়াই শরৎচন্দ্রের সঙ্গে প্রথম ঘনিষ্ঠতা জন্মে, কিন্তু সে এখানে নয়, রবিবারের এক বার্ষিক উদ্যান সম্মেলনে, ‘তুলসীমণ্ডে’।

বড়-না শ্রীশিশুশেখর বসু বড় মজার গল্প করিতে পারিতেন। তিনি ইংরেজী লিখিয়ে, ইংরেজী কাগজে তাঁহার রসরচনা বাহির হইত। এই বৃদ্ধ বয়সে তিনি বাংলা লিখিতে শুরু করিয়াছেন। রবিবাসরী 'যুগান্তরে' এখন প্রায়ই তাঁহার লক্ষ্য মেলে। সেজা-না শ্রীকৃষ্ণ-শেখর বসু উল্লা বীরনগরের উন্নতিতে আত্মনিয়োগ করিয়াছিলেন। পল্লী-উন্নয়নের কথা হইলে তিনি মশগলে হইয়া পড়িতেন। শ্রীকেশবচন্দ্র চট্টোপাধ্যায় চমৎকার মজলিসী গল্প করিতে পারিতেন। (উৎকল সমিতি-শ্রীশৈলেশ্বরকৃষ্ণ লাহা। কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

আর একটি ছোট উল্লেখ দিলে এই প্রসঙ্গটা শেষ করবো ইচ্ছা আছে। যতদূর জানি রাজশেখরবাবু খুব পছন্দলাপী লোক ছিলেন না। তাঁর যে সব পত্র পাওয়া যায় সেগুলি সংক্ষিপ্ত অথচ তাঁকে বোঝবার পক্ষে অভ্যাবশ্যক। এই রকম একখানি পত্র উল্লেখ করবার লোভ সংবরণ করতে পারলাম না।

"হাস্যরাসিক শ্রীরাজশেখর বসুকে দেখিয়াছি, আবার শোকপ্রাপ্ত শ্রীরাজশেখর বসুকেও দেখিয়াছি।

পল্লীবিয়োগ সমবেদনা জানাইয়া শ্রীনিবেদন হইতে তাঁহাকে যে পত্র লিখি তদন্তরে এই পত্রখানি পাই।

৭২, বকুলবাগান রোড, কলিকাতা
২।১২।৪২

সুধব্দবরেশ্বর,

চারুবা, আপনার প্রেরিত লেখা ভাল লাগল। মন বলছে, নিদারুণ দুঃখ, চারিদিকে অসংখ্য চিহ্ন ছড়ানো, তার মধ্যে বাস করে স্থির থাকার ব্যর্থতা। বৃষ্টি বলছে, শব্দ কয়েক বছর আগে পিছে। যদি এর উলটোটা ঘটত তবে তাঁর মানসিক শারীরিক সাংসারিক সামাজিক দুঃখের বেশী হত। পুরুষের বাহ্য পরিবর্তন হয় না, খাওয়া পরা পূর্ববৎ চলে, কিন্তু মেয়েদের বেলায় মড়ার উপর খাঁড়ার ঘা পড়ে।

নিবৃত্ত শোকাভুর আর একজনকে দেখলে নিজের শোক ঝিগুণ হয়। গতবারে আমার সেই অবস্থা হয়েছিল। এবারে শোক উসকে দেবার লোক নেই, আমার স্বভাবও কতকটা অসাড়, সেজন্য মনে হয় এই অন্তিম বয়সেও সামলতে পারব।

আশা করি আপনার সঙ্গে আবার শীঘ্র দেখা হবে এবং তার আগে খবর পাব।

ভবরী
রাজশেখর বসু

তিনি লিখিতেছেন,—আমার স্বভাবও কতকটা অসাড়। কিন্তু তা ঠিক নয়। গীতায় আছে,—

দুঃখবন্দনদ্বিধনমনাঃ সুখেয় বিগতপ্পূঃ।
বীতরাগভয়ক্লোঃ স্থিতধীর্মনিরুচ্যতে ॥

যাঁহার চিত্ত দুঃখপ্রাপ্ত হইয়াও উদ্বিগ্ন হয় না ও বিষয়সুখে নিম্পূহ এবং যাঁহার রাগ ভয় ও ক্লো নিবৃত্ত হইয়াছে, সেই মননশীল পুরুষ স্থিতপ্রজ্ঞ।

অনেক দিন অনেকবার জাঁত নিকট হইতে তাঁহাকে দেখিয়াছি। তিনি স্থিতপ্রজ্ঞ। স্থিতপ্রজ্ঞ মহাপুরুষ রাজশেখরকে আমার প্রাণ্য নিবেদন করি।" (স্থিতপ্রজ্ঞ—শ্রীচারুচন্দ্র ভট্টাচার্য কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

পূর্বোক্ত উল্লেখগুলো মনোবোগ দিলে পড়লে রাজশেখর বসু সম্বন্ধে কয়েকটি মূল কথা জানতে পাওয়া যাবে, যেগুলির পদে পদে প্রয়োজন হবে তাঁর সাহিত্য ও চরিত্র বিচারের সময়ে। (১) তাঁর বৈজ্ঞানিক কৌতূহল ও বিজ্ঞান শিক্ষা, এই বিজ্ঞান শিক্ষার মধ্যে আইন পাশ করাকেও ধরতে হবে, (২) বৃহৎ প্রতিষ্ঠানে কৃতী প্রধান ব্যক্তি রূপে দীর্ঘকাল অবস্থিত, (৩) সংসার সম্বন্ধে আত্মপ্রহালা হওয়া সত্ত্বেও নিরীপিত উদাসীন ভাব। পাশীবাগানে আত্মীয় বন্ধনও যোগ দেওয়ার সৌভাগ্য আমার হয়নি, তৎসত্ত্বেও অন্যায়সে অনুমান করতে পারি যে, তিনি সেই আত্মীয় মধ্যমাণি হওয়া সত্ত্বেও সবচেয়ে বাগবত ছিলেন, মাঝে মাঝে একটি দুটি হাসির বিস্ফোরণ ফটিয়ে আবার নিস্তব্ধ হয়ে যেতেন। তিনি হাসাতেন, তবে হাসতেন কখনো। 'অন্য কথা কবে তুমি হবে নিরুত্তর'। (৪) চারুবাথকে লিখিত পত্রখণ্ডে যে 'গীতায় আদর্শ' পুরুষ বস্তুতঃ বৈজ্ঞানিক। তিনি দুই-ই ছিলেন। এখন এই বিশ্লেষণ-লক্ষ্য সিদ্ধান্তগুলি সম্বল করে তাঁর সাহিত্য বিচারে অগ্রসর হবো আর আশা করি দেখতে পাবো যে, বিচারের মূল উপাদান আয়ত্তের মধ্যে এসে পড়েছে।

১৩ ॥

রাজশেখর বসুর গ্রন্থাবলী তাঁর দুটি নামে পরিচিত, রাজশেখর বসু ও পরশুরাম। এই দুই নামের স্মার্তন্য তিনি প্রথম থেকে শেষ পর্যন্ত বজায় রেখেছেন, এমন আর কোন লেখক রাখতে পেরেছেন কিনা সন্দেহ। দুটি এমন সম্পূর্ণ স্বতন্ত্র ব্যক্তিত্ব। একই ব্যক্তির দুটি ভিন্ন ব্যক্তিত্ব আলাদা কেউরা রাখা যে খুব কঠিন এ কথা সহজেই বুঝতে পারা যাবে। তাঁর পক্ষে এ কাজ কিভাবে সম্ভব হয়েছিল একজন লেখক তা প্রকাশ করেছেন, "যখন তাঁর সঙ্গে ঘনিষ্ঠ পরিচয় হয়েছে সেই সময়ে একদিন আমার Bengal Chemical এর আপিসে—যে আপিসের তিনি সে সময়ে Manager ছিলেন—কার্যবিশেষ দেখা করতে যেতে হয়েছিল। কাজের কথা হয়ে যাবার পর আমি—যেমন আমাদের বেশীরভাগ লোকেরই অভ্যাস—তাকে দু-একটা বাড়ির খবরের কথা জিজ্ঞেস করছিলাম। কিছুমাত্র বিধা না করে তিনি তখনই বলে দিলেন—ওসব কথা ত আপিসের নয়—আপিসের সময় নষ্ট না করে বাড়িতে জিজ্ঞেস করবেন, এই বলে তিনি নিজের কালে মন দিলেন। তখন আমার মনে অনেক কম ছিল, তাঁর কাছ থেকে এই শিক্ষা তখন পেয়েছিলাম যে, আপিস আপিসই লাভ নয়,—কর্তবীর সময় কর্তব্য করে যাওয়াই সঙ্গত; অন্য কাজে বা কথায় সময় নষ্ট না করা উচিত।" (মেজদা—শ্রীসুহৃৎচন্দ্র মিত্র। কথাসাহিত্য : রাজশেখর বসু সংবর্ধনা সংখ্যা : শ্রাবণ, ১৩৬০)।

রাজশেখর বসু নামে পরিচিত গ্রন্থাবলীতে মনীষার পরিচয়, অবশ্য শিক্ষার পরিচয়না গৌণভাবে আছে। আর পরশুরামের ছদ্মনামে পরিচিত জনবল্লভ গণেশ্বর বইগুলির শিক্ষণীয় রচনা, যদিও গৌণভাবে মনীষার দেখা পাওয়া যাবে। আমরা প্রথমে পরশুরাম রচিত গ্রন্থাবলীর বিশদ আলোচনা করবো, পরে রাজশেখর বসু রচিত গ্রন্থাবলীর আলোচনা সাবলেই হবে।

ই
ক
মে
হ
ন
ব

গেলে বাঙ্গরসিক বলা যেতে পারে। মোটের উপরে একথা স্বীকার যে, তাঁর গল্পের প্রধান উপাদান হাসি। কাজেই হাসির প্রকৃতি সম্বন্ধে ধারণা করে নেওয়া আবশ্যিক। সুখ্যালোককে বিশ্লিষ্ট করে ফেললে সাতটি রং পাওয়া যায়, যার এক প্রান্তে লাল, অন্য প্রান্তে বেগুনী, মাঝখানে অন্য রং। শূন্য হাসিকেও যদি বিশ্লেষণ করা যায় অদ্যেক জাতের হাসি পাওয়া যাবে, যার এক প্রান্তে প্রচ্ছন্ন তিরস্কার, অন্য প্রান্তে প্রচ্ছন্ন অশ্রু; ওরই মধ্যে এক জায়গায় নিছক কৌতুকহাস্যও আছে। আমরা যখন কোন লেখককে হাসির গল্পের লেখক বলি, তখন বিচার করা আবশ্যিক এই হাসির বর্ণালীর মধ্যেই কোনটি তাঁর রচনার প্রধান উপাদান। এমন হওয়া অসম্ভব নয় যে একাধিক উপাদানই তাঁর রচনার থাকতে পারে। বিশুদ্ধভাবে একটি মাত্র উপাদানকে অবলম্বন করে রচিত এমন গল্প খুব বিরল। বিশেষতঃ আধুনিক মন মিশ্ররসীতর পক্ষপাতী, ইচ্ছায় বা অনিচ্ছায় একাধিক উপাদান মিলিত হয়ে বায় তাঁর রচনায়। শেক্সপীয়ারের 'ফলস্টাফ' এই রকম একটি প্রকৃষ্ট উদাহরণ। তার গঠনে কৌতুকহাসি থেকে আরম্ভ করে প্রায় সবগুলির উপাদান ব্যবহৃত হয়েছে এবং শেষ পর্যন্ত ফলস্টাফের বিদ্যারে (Rejection of Falstaff) প্রচ্ছন্ন অশ্রু, প্রায় অপ্রচ্ছন্নভাবে ধরা দিয়েছে। বাংলা সাহিত্যেও এমন দৃষ্টান্ত বিরল নয়। দীনবন্ধুর নিম্নে মত্তর চরিত্রে শেষে দিকে গিয়ে প্রচ্ছন্ন অশ্রু উল্লসিত হয়ে উঠেছে। রবীন্দ্রনাথের বৈকুণ্ঠ চরিত্রেও হাসির অন্যান্য উপাদানের সঙ্গে প্রচ্ছন্ন অশ্রুর রেশ আছে। কিন্তু বঙ্কিমচন্দ্রের কমলাকান্ত চরিত্রে এ বিষয়ে বোধ করি হাসি বিচ্ছুরিত হতে থাকে, কিন্তু যেমন একটি ব্যাধার তাগ লাগে, অমনি স্ফটিক অশ্রুতে বিগলিত হয়ে পড়ে। পূর্বেক্ত লেখকগণের কেউ অমিশ্র হাসির কারবার করেন নি। বাংলা সাহিত্যে অমিশ্র হাসির একমাত্র কারবারী বোধ করি অমৃতলাল বসু। তাঁর হাসি প্রায় সময়েই প্রচ্ছন্ন তিরস্কার। এখন বিচার পরশুরামের স্থান হাসির বর্ণালীর মধ্যে কোন দিকে, প্রচ্ছন্ন তিরস্কারের দিকে না প্রচ্ছন্ন অশ্রুর দিকে। এই কথাটি বোঝাবার উদ্দেশ্যে আর একজন প্রধান হাসির গল্পের লেখক নাম করা দরকার, তিনি হৈলোকানাথ মুখোপাধ্যায়। দুজনেই হাসির গল্পের লেখক বলে পরিচিত, কিন্তু হাসির বর্ণালীর মধ্যে তাঁদের স্থান এক নয়। হৈলোকানাথ আছেন প্রচ্ছন্ন অশ্রুর দিক ঘেঁরে আর পরশুরাম আছেন প্রচ্ছন্ন তিরস্কারের দিকে ঘেঁবে। হৈলোকানাথের হাসি প্রধানতঃ প্রচ্ছন্ন অশ্রু ঘেঁষা হলেও তাতে অন্য উপাদান আছে, পরশুরামের মিশ্রণ নেই এমন বলি না, তবে অপেক্ষাকৃত কম। মোটের উপর দাঁড়ালে এই যে, এঁদের একজন আছেন বর্ণালীর লালের দিকে, আর একজন বেগুনীর দিকে। একজনের আবেদন পাঠকের হৃদয়ে, আর একজনের আবেদন পাঠকের বুদ্ধিতে।

মাথ, আনন্দ-এর একটি সুভাষিত আছে "Literature is Criticism of life"— এই উক্তিটি নিয়ে গত একশ বছর তর্ক-বিতর্কের আর অন্ত নাই। কাজেই সে তর্কের মধ্যে প্রবেশ করা বাহুল্য। নিছক কৌতুকহাস্য বাদ দিলে দেখা যাবে যে, হাসি যে জাতেরই হোক না কেন তা Social Criticism ছাড়া আর কিছুই নয়। তবে এই Criticism বা সমালোচনার প্রকার ভেদ আছে। কোন লেখক সমালোচক হিসাবে তিরস্কার করেন কেউ অশ্রুপাত করেন, দুজনের পন্থা ভিন্ন হলেও উদ্দেশ্য এক।

সমাজ সংস্কার হাসির (নিছক কৌতুকহাস্য ছাড়াও) উদ্দেশ্য বলেই হাস্যরসিককে একটা মাপকাঠি ব্যবহার করতে হয়। সে মাপকাঠি Ethical হতে পারে, Intellectual হতে পারে, Social হতে পারে বা অন্য কোন রকমের হতে পারে। একটি Norm বা আদর্শ লেখকের মনের মধ্যে থাকে, সমাজের যেখানে সেই আদর্শের চ্যুতি ঘটেছে সেখানে তিনি মাপকাঠিখানি বের করে এগিয়ে আসেন। এখানে বিশুদ্ধ কমেডিওর সঙ্গে Satire বা ব্যঙ্গের তফাৎ।

বিশুদ্ধ আনন্দ দান ছাড়া কমেডিওর আর কোন উদ্দেশ্য নেই। অন্য সর্বপ্রকার হাসি উদ্দেশ্য-মূলক। কমেডি লেখক আনন্দ দান করেন, ব্যঙ্গরসিক বিচার করেন; কমেডি লেখক উৎসব-ভার, ব্যঙ্গরসিক বিচারক। বিচারে ভুলদ্রাস্তি হতে পারে, এক আদালতের রায় অন্য আদালতে উল্টে যেতে পারে, এক যুগের নাজির অন্য যুগে না মানতে পারে এমন উদাহরণ সাহিত্যের ইতিহাসে প্রচুর। বিশুদ্ধ আনন্দের মার নেই, বিশুদ্ধ বিচার বলে কিছ, আছে কিনা সন্দেহ, একথা স্বীকার না করে পারা যায় না যে ব্যঙ্গলেখকের স্থান অত্যন্ত সাহিত্যে সর্বোচ্চশ্রেণীতে কখনো নির্দিষ্ট হয় না। সকলেই তার গুরুত্ব স্বীকার করে, তব, বিশুদ্ধ আনন্দদাতার সঙ্গে সমান আসন দিতে রাজী হয় না। বিচারকের স্থান আদালতে, আনন্দ-দাতার স্থান অন্তঃপুরে।

নাটকে এই সমালোচনার কাজটি বিদ্যুৎ করে থাকে, নীচু আসনে বসেও রাজার দোষ দেখাতে সে সক্ষম হয় না, কিন্তু নাটকের চূড়ান্ত পর্বে বিদ্যুৎককে কলাচিত দেখতে পাওয়া যায় তার কারণ আর কিছুই নয়, বিদ্যুৎকার সীমা অন্তঃপুরে ও অন্তঃপ্রবেশের বাইরে। এই সীমা সম্বন্ধে অবহিত হওয়া সত্ত্বেও ব্যঙ্গরসিক স্বকর্তব্য সাধনে যে নিরস্ত হয় না, তার কারণ বিশেষ আদর্শের প্রেরণা তাকে চালিত করে। মানুষ বড়ই অকৃতজ্ঞ। যে প্রলাপ-ধারিনী কবিতা তার কানে কানে আনন্দ মন্ত্র উচ্চারণ করে, যে আনন্দ মন্ত্রে ঐবৈয়িক সার্থকতা কিছুমাত্র কম নেই, সেই কবিতাকে মানুষ সর্বোচ্চ আসন দিয়ে নীচে বসিয়ে রাখে ব্যঙ্গ-রসিককে, সার দৃষ্টি সদাজাগ্রত না থাকলে সমাজসিঁধিও অসম্ভব হয়ে পড়ে। ওরই মধ্যে যে ব্যঙ্গরসিক প্রচ্ছন্ন অশ্রুকে উপাদান রূপে গ্রহণ করে তার প্রতি মানুষের মন কিছু দূর পড়ে। কিন্তু প্রচ্ছন্ন তিরস্কারককে সে মনে ভয় করলেও হৃদয়ের মধ্যে স্থান দেয় না। পরশুরাম ও হৈলোকানাথ সম্বন্ধে বিশদ আলোচনা প্রসঙ্গ ব্যাপারটি আরেকবার বোঝাতে চেষ্টা করবো। এখন এইটুকুই যথেষ্ট যে পরশুরামের হাসি প্রধানতঃ তিরস্কার ঘেঁষা, যার আবেদন মানুষের বুদ্ধিতে। কিন্তু তিনি শূন্যই হাসির গল্প লিখেছেন এ কথা সত্য নয়। তাঁর রচনার মধ্যে এমন অনেক গল্প আছে যা ঠিক হাসির গল্প নয়। অন্য নামের অভাবে তাদের সামাজিক গল্প বলতে হয়। কথা—কৃষ্ণকলি, চিঠিবাজি, দীনেশের ভাগ্য, যশোমতি, ভূষণ পাল, জগদানন্দ ঠাকুর ইত্যাদি।

এ সব গল্পে হাসি যে নেই তা নয়, তবে হাসিটা তার প্রধান উপাদান নয়। এঁদের হাস্যরসিক বলে নাম রটে গেলে তার নিতান্ত সাধারণ কথাতেও হেসে ওঠা পাঠক কর্তব্য মনে করে। শূন্যই প্রসিদ্ধ কবি ক অভিনেতা চিত্তরঞ্জন গোস্বামী একটি সভান ব্রহ্মচর্য সম্বন্ধে বক্ততা দিতে উঠে প্রথম বাক্যটাও শেষ করতে পারেন নি, ঘনঘন হাসি ও করতালিতে শ্রোতারা নিজেদের রসবোধের পরিচয় দিয়েছিল।

পরশুরামের এমন কতকগুলি গল্প আছে যা গভীর মনীষা-প্রসূত। মনুষ্য জাতির দুর্ভাগ্য, সমাজের অবস্থা, মৃত্যুর রহস্য, পৃথিবীব্যাপী লোভ-অশান্তির পরিণাম প্রভৃতি সম্বন্ধে দার্শনিক চিন্তার পরিচয় বহন করে এই সব গল্প। পরোক্ষভাবেও হাসির সঙ্গে সঙ্গম নাই। কিন্তু যেহেতু পরশুরামের রচনা-কাজেই পাঠকের পক্ষে হাস্য একপ্রকার জাতীয় কর্তব্য। যথা-গামামান জাতির কথা, অটলবাবুর অস্তিত্ব চিন্তা, তাঁর গীতা, ঝাপালাক, কাশীনাথের জন্মান্তর, সত্যসন্ধ বিনায়ক, নির্মোক নৃত্য, কদম্ব মেখলা প্রভৃতি।

এই সব গল্পগুলির প্রতি পাঠকের দৃষ্টি আকর্ষণের কারণ আর কিছুই নয়, পরশুরাম প্রধানতঃ ব্যঙ্গ গল্পের লেখক হলেও কেবলই ব্যঙ্গ গল্প তিনি লেখেন নি; এমন অনেক গল্প লিখেছেন যা মানুষের জ্ঞাত ভবিষ্যৎ ও বর্তমান অবস্থা সম্বন্ধে গভীর অন্তর্দৃষ্টির পরিচায়ক। তিনি যদি অন্য ব্যঙ্গরচনা নাও লিখতেন তবে হয়তো এত জনপ্রিয় হতেন না সত্য,

কিন্তু একথাও তেমনি সত্য যে এই গল্পগুলি বাংলা সাহিত্যের আসনে তাঁকে স্থায়ী আসন দান করতো। ব্যঙ্গরচনার দ্বারা পাঠকের মনে নিজের যে Image তিনি তৈরী করে তুলেছেন সেই Image-এর আড়ালেই তার অনেক কীর্তি ঢাকা পড়ে গিয়েছে।

১৪

শ্রীশ্রীসিম্বেশ্বরী লিমিটেড গল্পটি প্রকাশিত হওয়া মাত্র (১৯২২) বাঙালী পাঠকের কান ও চোখ সজাগ হয়ে উঠল, এ আবার কে এলো? Curtain Raiser হিসাবে গল্পটি অতুলনীয়। এক গল্পেই আসর মাত। তারপরে পাঠকের ঔৎসুক্য আর ঘুমিয়ে পড়বার অবকাশ পায়নি। চিকিৎসা-সংকট, মহাবিদ্যা, লব্ধকর্ণ ও ভূশংড়ীর মাঠে একত্র গ্রন্থাকারে গল্পলিলা। পরে প্রকাশিত হ'ল কল্পলী গ্রন্থ, অর্থাৎ বিরাটমুখা, জাবালি, দক্ষিণরায় মনস্বরী, কচি-সংসদ ও উলট-পুরাণের সমষ্টি। বাংলা সাহিত্যের আকাশে প্রথম যা একটি ক্ষুদ্র নক্ষত্ররূপে দেখা দিয়েছিল, কালক্রমে তা উজ্জ্বল বৃহৎ নিনিমেষ গ্রহের রূপ ধারণ করে সৌর পরিবারের পরিধি বাড়িয়ে দিল। পরে আরও সাতখানি গল্পগ্রন্থ প্রকাশিত হয়েছে তবে একথা বললে বোধ করি অনায় হবে না যে অদ্যাবধি প্রথম বই দু'খানাই সবচেয়ে জনপ্রিয়! এই জনপ্রিয়তার কারণ কি?

বিয়াল্লিশ বৎসর বয়সে সাহিত্যিকরূপে রাজশেখর বসুর আত্মপ্রকাশ, যে বয়সে ন্যাক অধিকাংশ লেখকের আদিপর্ব শেষ হয়ে গিয়ে মধ্যপর্বে প্রবেশ ঘটে। বিয়াল্লিশের আগে পৃথক তাঁর কোন সাহিত্যিক পরিচয় পাঠকের সম্মুখে ছিল না, হঠাৎ তিনি পাকা লেখা নিয়ে আবির্ভূত হলেন। পাঠক একেবারে চমকে গেল, কিন্তু সে চমক পীড়াপায়ক নয়, সুখদায়ক। তিনি ধীরে-সুস্থে পাঠককে তৈরী করে নিয়ে পরিণত রচনার উপনীত হননি, পাঠককে ধীরে ধীরে অপেক্ষা করিয়ে রাখেন নি। পাঠকের সেই কৃতজ্ঞতা তাঁর জনপ্রিয়তাকে বর্ধিত করেছে।

কোন কোন লেখক, তার মধ্যে অতিশয় শক্তিময় লেখক আছেন, ধীরে ধীরে পাঠকের সম্মুখে আবির্ভূত হতে থাকেন। এই ধীরতায় পাঠকের চক্ষু অভ্যস্ত হয়ে আসে। রবীন্দ্রনাথ অতি অপরিণত রচনা নিয়ে প্রথম দেখা দিয়েছিলেন, তার পরে শতাব্দীর না হোক দশকের প্রহরে প্রহরে পরিণতির মধ্য গগনে উত্তীর্ণ হন। অপরপক্ষে বাঙ্কমাচন্দ্র দর্গেশনন্দিনী দিয়ে এবং মধুসূদন মেঘনাদ বধ কাব্য দিয়ে পাঠক সমাজকে চমকে দিয়েছিলেন। এই তিন মহারথীর সঙ্গে তুলনা না করেও বলা যায় যে, রাজশেখর বসু অতিক্রান্তে চমকে দিয়ে পাঠকের মনকে অধিকার করে নিলেন। মনে রাখতে হবে যে শ্রীশ্রীসিম্বেশ্বরী লিমিটেড প্রকাশের সময়ে তাঁর নয়স দর্গেশনন্দিনী ও মেঘনাদ বধ কাব্য প্রকাশকালে লেখকদের চেয়ে অনেক বেশি ছিল।

এখন চমক যতই বিস্ময়কর হোক ত্রমে তার দৃষ্টি স্থান হয়ে আসে। পরশুরামের ক্ষুদ্র তা হয়নি। তার কারণ পাঠকের চমককে নিত্য নূতন উদাহরণ যোগাতে সক্ষম হয়েছিলেন, গল্পলিলা ও কল্পলীর এগারটি গল্প। অবশ্য একথা স্বীকার না করে উপায় নেই যে, পরবর্তী সাতখানি গ্রন্থে চমকের দৃষ্টি অনেকটা স্থান হয়ে এসেছে। একটি কারণ, পাঠকের চোখ অভ্যস্ত হয়ে এসেছে। অন্য কারণ আছে তার আলোচনা যথাস্থানে। এবার পূর্বসূত্র টেনে জনপ্রিয়তার দ্বিতীয় কারণ আলোচনা করা যেতে পারে।

অনেকের ধারণা যে গল্পে বর্ণিত নরনারীর নূতনত্ব পাঠক বিস্মিত হয়ে গিয়েছিল। প্রকৃত ব্যাপার ঠিক উল্টে। এসব নরনারী অত্যন্ত পুরাতন বলেই তারা আকর্ষণ করছে

১৮

পাঠকের চিত্ত। পুরাতন তবে অতিপরিচয়ের ধূলো জমে জমে সে-শব্দ আচ্ছন্ন হয়ে ন্যাস্তিবং বিরাজ করছিল। পরশুরামের হাসির দমকা হাওয়ার সে ধূলো সরে যেতেই প্রত্যক হয়ে উঠল। বিস্মিত পাঠক বলে উঠল বাঃ বাঃ, এসব তো সামনেই ছিল অথচ দেখতে পাইনি! ভোরবেলা দরজা খুলতেই বৃহৎ একটা গাছ দেখতে গেলে পাঠক অবশ্যই চমকিত হয়, কিন্তু পরমুহূর্তেই বিস্ময়কে চাপা দেয় বিরক্তি, তখন সে কুড়ুলের সন্ধান করে। না, পরশুরামের প্রথম রচনা দরজার সম্মুখে বনস্পতি নয়, দিগন্তের গিরিমান্না। শীতের কুয়াশায়, গ্রীষ্মের ধূলোয় আর বর্ষার মেঘে আচ্ছন্ন ছিল, আজ হঠাৎ শরৎকালের বৃষ্টি-ধৌত নির্মল আকাশে তার উজ্জ্বল প্রকাশ দেখে মনটি প্রসন্ন হয়ে উঠল, বাঃ ঠিক জায়গায় ঠিক জিনিসটি আছে দেখছি। পূর্বসংস্কারহীন নূতন প্রথমটা চমকে দিলেও তার পরিণাম বিরক্তিতে, আর যে নূতন পূর্বসংস্কারের সূত্র ধরে অতি পরিচয়ের পর্শি টেলে সিরিয়ে দিয়ে প্রকাশ পায়, সে কখনো পুরাতন হয় না; কারণ পুরাতনত্বই তার যথার্থ পরিচয়। সুর্মোদয়ে প্রত্যাশিত বিস্ময়, জাদুকরের আমগাছে অপ্রত্যাশিত বিস্ময় প্রথম বারের পরে দ্বিতীয় বারে বিরক্তিকর।

এরা যে সবাই পুরাতন, অত্যন্ত পরিচিত, অত্যন্ত প্রত্যাশিত। শ্যামানন্দ ব্রহ্মচারী, পরশুরাম বাটপাড়িয়া, নন্দবাবু, তারিণী কবিবরাজ, কেদার চাট্‌জো, লাটুবাবু, নাদু, মল্লিক—এরা কি আজকের! এদের কেউ কেউ মুরারি শীলের সঙ্গে ভাগে ব্যবসা করেছে, ভাড়াদাতার সঙ্গে বাজারে তোলা আদায় নিয়ে ভাগাভাগি করেছে, আবার ঠক চাচার সঙ্গে গলা মিলিয়ে ধুলোছে, দু'নিয়া বুরা মুই সাচা হয়ে কি করবে? জমবুধারা আসরে কেদার চাট্‌জো গল্পের শিকল বোনেনি এবং শ্রীমৎ শ্যামানন্দ ব্রহ্মচারী যে দেবদেবীর ব্যবসার পাটনার ছিল না এমন কথা কে হুলপ করে বলবে। এরা সবাই অতিপরিচয়ের আড়ালে প্রচ্ছন্ন ছিল বলেই মনোনির্ভর হয়ে যায়নি!

১৫

আমেরিকার ভূভাগ গোড়া থেকেই ছিল, কলম্বাস তাকে আবিষ্কার করলো। পূর্বোক্ত মহাপুরুষগণ গোড়া থেকেই ছিল, পরশুরাম সন্ধানীরূপে তাদের আবিষ্কর্তা। প্রতিভা দুই ভাবে কাজ করে, আবিষ্কার ও সৃষ্টি, নূতন জগতের উদ্ঘাটন ও নূতন জগতের নির্মাণ, কলম্বাস ও বিস্বামিত্র। এ দুই গুণের কোন একটিকে একচেটিয়া মনে করলে ভুল হবে। অল্পবিশ্বস্তর সব প্রতিভাবান লেখকেই পাওয়া যাবে। আয়েথা সৃষ্টি, বিদ্যাভিগুণে আবিষ্কার; গোরা সৃষ্টি, পানবাবু আবিষ্কার। তবে এ পৃথক বলতে পারা যায় যে স্যাটারিস্টে, ব্যঙ্গ প্রতিভার সৃষ্টির তুলনায় আবিষ্কারের ভাগ বেশি। সুইফটের লিলাপুটকে যতই অভিনব মনে হোক, আসলে সে মানুষকে উল্টো দুরব্বানের দৃষ্টিতে আবিষ্কার। পরশুরামের আবিষ্কারের ভাগটাই সুপ্রচুর, তবে সৃষ্টিকর্মও আছে। জাবালি চরিত্র মহৎ সৃষ্টি, কৃষ্ণকালি (কালিন্দী) ও চিরঞ্জীবও সৃষ্টিকর্ম। তাহলে দাঁড়ালো এই যে, পাঠকের বিস্ময়ের দ্বিতীয় কারণ হিসাবে সে মোটেই বিস্মিত হয়নি, অন্ততঃ নূতন দেখে বিস্মিত হয়নি। প্রত্যাশিত পুরাতনকে স্পষ্টভাবে দেখতে পেয়ে আনন্দিত হয়েছিল। তৃতীয় কারণ পরশুরামের ভাষা।

এমন পরিচ্ছন্ন, বাহুল্য বর্জিত, সুপ্রযুক্ত ভাষা বড় দেখা যায় না। পাঠক-সমাজ যখন সাব্জেক্টের ভাষাকে প্রগতির চরম লক্ষণ বলে ধরে নিয়েছিল, ভেবেছিল সাধু ভাষার আয় শেষ হয়ে গিয়েছে, নূতন কোন সম্ভাবনা আর তার মধ্যে নেই, তখন গল্পলিলা কল্পলীর ভাষা দেখে সকলে চমকে গেল। রবীন্দ্রনাথ ও প্রথম চৌধুরীর ভাষারীতিকে এড়িয়ে সাধুভাষার

১৯

এই পদক্ষেপ সত্যই বিস্ময়জনক। বস্তুতঃ পড়বার সময়ে খেয়াল থাকে না এ ভাষা সাধু কি কথা, পরে হিসাবে দেখা যায় সাধু ভাষা।

প্রথম চৌধুরীর ভাষা পাঠকে প্রতি নিঃশ্বাসে তার ধর্ম স্মরণ করিয়ে দেয়, নিজের কৌশলকে লুকোবার কৌশলটা তার অন্যতম। রবীন্দ্রনাথের শেষ জীবনের ভাষাতেও এই চ্যুটি। গজলিকা ও কঞ্জলীর ভাষারীতি সাধু, তবে জটাজুটধারী ভেদধারী সাধু নয়, এমন সাধু যে সাধুই গোপন রাখতে সমর্থ। সবশুদ্ধ মিলে ভাষাটি ভারী তৃপ্তিদায়ক, ডাবের স্বাভাবিক বাহন।

এখানে একটি বিষয় স্মরণ করিয়ে দেওয়া আবশ্যিক। হাস্যরস রচনার ভাষা সাধু হওয়া বাঞ্ছনীয়। তাতে ভাবের গাম্ভীর্য আর ভাবের লঘুতার যে ধ্বংসের সৃষ্টি হয়, তা হাসির পরিবেশ রচনায় সাহায্য করে। কথা ভাবার চটুলতা আর হাসির চটুলতার মিলে যায়, মহিমহুঁড়ে পাঠকের মনকে ধ্বংসের চক্রমুকি স্বরূপে আলোকিত ও চর্কিত করতে পারে না। বিষয়টির বিস্তার অনাবশ্যিক, কতকগুলি উদাহরণ দিলেই চলবে। বহুকমচন্দ্রের লোকরহস্য ও কমলাকান্ত, রবীন্দ্রনাথের ব্যংগ-কৌতুক, ঠেলোকানাথ, ইন্দ্রনাথ, প্রভাতকুমার প্রভৃতির উল্লেখ যথেষ্ট। অনেকে আক্ষেপ করেন বাংলা সাহিত্যে আজকাল যথেষ্ট হাস্যরসের রচনা লিখিত হচ্ছে না। তার অনেক কারণের মধ্যে একটি প্রধান, হাসির রচনা আজ ভ্রষ্টবাহন। সিন্দূরদাতা গণেশ চট্টলক মুখিক বাহনে চলাফেরা করতে পারেন, তবে তাঁকে নিয়ে হাস্যরস করাতে এমন কার সাধ্য। যেশুড়ের বহর! গভীর গম্ভীর ভাব কথাভাষার আত্মপ্রকাশ করতে সমর্থ হলেও, কথাভাষায় হাস্যরস! নৈব নৈব চ। এই একটি কারণে বৈজনা পরশু-দামের শেষ ছয়খানি গল্পগ্রন্থ কিছু পরিমাণে স্মান। সেগুণির বাহন কথাভাষা। সাধুভাষা ও গায়ার ছন্দের আয়ু বঙ্গভারতীর আয়ুর সঙ্গে মিলিয়ে গণনীয়। নূতন নূতন গুণীর হাতে অর্জাবিত রূপে যুগে যুগে তারা দেখা দেবে।

॥ ৩ ॥

হাসির গল্প লিখবার বিপদ এই যে, পাঠকে হেসেই সব কত'ব্য শোধ করে দেয়, আদৌ ভুলিয়ে দেখতে চায় না। হাসির গল্পে আর এমন কি থাকবে, ভাবটা এইরকম। কেমন করে জানবে যে হাসির গল্পে না থাকতে পারে এমন বস্তু নাই। ভাষার জাদুর কথাই ধরা যাক। হাস্যরস একান্ত ভাবে সামাজিক ব্যাপার। হাসিতে সামাজিক মনের প্রকাশ, অপ্রাণ্ডে প্রকাশ ব্যক্তিমনের। স্বভাবতই হাস্যাত্মক রচনায় নিসর্গ বর্ণনার স্থান সংকীর্ণ। যখন তা অপরিহার্য হয়ে ওঠে, নূতন খাত খনন করে নিতে হয়। গল্পা প্রবাহিত স্বাভাবিক খাতে, গল্পের খাল কৃত্রিম খাতে যা ন্যাক সামাজিক চেষ্টার ও সামাজিক প্রয়োজনের ফল। লক্ষণ গল্পে কালবৈশাখীর এবং ভাষাভীর মাঠে অপরাধের বর্ণনা দুটি প্রকৃষ্ট উদাহরণ। কালবৈশাখীর ও অপরাধের স্বভাব বর্ণনার সঙ্গে সূনিপুণ ভাবে মিশে গিয়েছে ব্যঙ্গরসিকের স্বভাব। আবার কচি-সংসদ গল্পে দুটি বর্ণনা বিশেষ ভাবে লক্ষণীয়। একটি শরৎ আবির্ভাবের, আর একটি রেলগাড়িতে যাত্রার সূত্রের।

শরৎের প্রথম পদক্ষেপের নিখুঁৎ স্বাভাবিক বর্ণনা, তারপরেই সামাজিক মন সক্রিয় হয়ে উঠেছে। "চাকায় এক গ'জা রোগারোগা ফুলকপির বাচ্চা বিকাইতেছে। পটোল চড়িতেছে, আলু নামিতেছে।" আবার রেলগাড়িতে যাত্রার বর্ণনার মধ্যেও কেমন অনায়াসে নিসর্গের স্বভাব ও সামাজিক স্বভাব গল্গাবমুনায় মিশে গিয়েছে। "কয়লার ধৌধার গম্ব, চুরুটের গম্ব,

২০

হঠাৎ জানলা দিয়ে এক কলক উগ্রমধুর ছাতিম ফুলের গম্ব। তারপর সন্ধ্যা—পশ্চিম আকাশে ওই বড় তারাটা গাড়ির সঙ্গে পাল্লা দিয়া চলিয়াছে। ওদিকের বেগে স্থলোদের লালাজী এর মধ্যেই নাক ডাকাইতেছেন। মাথার উপরে ফিরিঙ্গীটা বোতল হইতে কি খাইতেছে। এদিকের বেগে দুই কম্বল পাতা, তার উপর আরও দুই কম্বল, তার মধ্যে আমি, আমার মধ্যে জর-পেট ভাল-ভাল খাদ্যসামগ্রী, তাছাড়া বেতের বাগ্লে আরও অনেক আছে। গাড়ির অগ্রে অগ্রে সোহানরুড়ে চাকার ঠোকেরে জিঞ্জির ডান্ডার কঞ্জনায়ে মদ্রাঙ্গ-মন্দিরা বাজিতেছে—'আমি চিৎপাং হইয়া তা'ন্ডব নাচিতেছি। হমীন্ অস্ত, ওআ হমীন্ অস্ত!' শেযোক্ত বাক্যে দুই ধানমান গাড়ির চলার ছন্দ কেমন সুকৌশলে অথচ কেমন অনায়াসে ধরা হয়েছে। উড়ন্ত পাখীকে ফাঁদ পেতে ধরবার চেয়েও এ যে কঠিন। সাহিত্যে সবচেয়ে দুঃসাধ্য ব্যংগের সঙ্গে প্রকৃতিকে মেলানো, আর ব্যংগের সঙ্গে প্রেমকে মেশানো। উপরে উল্লিখিত সবগুলি বর্ণনার প্রথম দুঃসাধ্যকে সম্ভব করে তোলা হয়েছে। আর দ্বিতীয় দুঃসাধ্য দুঃসাধ্য হয়ে ওঠবার উদাহরণ পরে দেখা যাবে। মোট কথা এই যে এহেন নিসর্গ বর্ণনা ব্যংগ-সাহিত্যে আর কোথাও পাওয়া যাবে না, না গল্পগুচ্ছে না কপালকুন্ডলায়। এ পরশুদামের নিজস্ব। আর জ্ঞানার এই ছন্দ, গতি ও ভঙ্গীও অন্যত্র বিরল, পরশুদামের শেষের বইগুলোতেও নেই। সে-গুণির আপেক্ষিক অপ্রিয়তার এ যে একটা কারণ তা আগেই বলেছি। এখানে অপ্রাসংগিক হলেও বাধা নেই যে, রামায়ণ ও মহাভারতের অনুবাদে সাধুভাষা ব্যবহার করলে তাদের মর্যাদা রক্ষিত হতো।

॥ ৭ ॥

গজলিকা ও কঞ্জলীর আর একটি ঐশ্বর্য ছবিগুণি। কথার সঙ্গে ছবিগুণি গানের সঙ্গে সঙ্গত নয়। সঙ্গত বন্ধ হলেও গানের মাধুর্য কমে না। ছবিগুণিক বলা চল পাঠকের দৃষ্টি আকর্ষণের নিমিত্ত নীচে লালকালি দিয়ে দাগ টেনে দেওয়া, কিংবা সঙ্গীর উত্তরীয় প্রান্তে টেনে দৃশ্য বিশেষের দিকে মনোযোগ আকর্ষণ। ওগুলো আছে বলে পাঠক একটু আতঙ্কিত সচেতন হয়ে ওঠে, ওগুলো না থাকলে অনবহিত পাঠক সেগুলো হয়তো আতঙ্কিত করে যেতো। শেষের ছয়খানি গ্রন্থের আপেক্ষিক স্মানতার কারণ নীচে দাগটানোর কিংবা উত্তরীয় প্রান্তে টান দেওয়ার অভাব। তৃতীয় গ্রন্থ হনুমানের স্বপ্নের কোন কোন গল্পে যথা হনুমানের স্বপ্ন ও প্রেমচক্রে ছবির গুণে অপকর্ষ লক্ষ্য করবার মতো। খুব সম্ভব চিত্রের নিজের ক্ষমতার ক্ষয়িতা সম্বন্ধে সচেতন হয়েছেন বলেই শেষের বইগুলি অলঙ্কৃত করতে ক্ষান্ত হয়েছেন। তার ফলে গল্পগুণির আবেদন মন্দ হয়ে এসেছে। তবে প্রথম বই দু'খানিতে লেখায় রেখায় এমন মিলে গিয়েছে যে, এক এক সময়ে সন্দেহ হয়, গল্প অনুসারে ছবি আঁকা, না ছবি অনুসারে গল্প লেখা।

পরশুদামের গল্পের আর একটি বিশেষ লক্ষণ পড়বার সময়ে পাঠক ভারী একটি আশ্রম ও স্থানিত বোধ করে। বর্তমান জীবনের তড়হুড়া, বাস্তবতা, গেল গেল ভাব এদের মধ্যে নাই। বর্তমান বাস্তবসমস্ত জীবনে নিত্য বিভ্রান্তিত পাঠক এখানে পদাৰ্পণ করে ভারী আশ্রম বোধ করে। উদাহরণ-স্বরূপ কেদার চাট্জ্যে গল্পমালার উল্লেখ করা যেতে পারে। বংশ-লোচনাবাবু, গৃহকর্তা হলেও গল্পকর্তা কেদার চাট্জ্যে। বংশলোচনাবাবুর বাড়ির আঙাটি ১৪ নম্বর পাশীবাগান লেনের আন্ডার প্রতিচ্ছবি বলে মনে হয়।

"চাট্জ্যে মশায় পাঁজি দেখিয়া বলিলেন, রাতি নাটা সাতান মিনিট গতে অম্ববাচী

২১

নির্বাচিত। তার আগে এই ব্যক্তি ধামবে না। এখন তো সবে সন্ধ্যা। বিনোদ উকীল বলিলেন—তাই তো বাসায় ফেরা যায় কি করে? গৃহস্থবাসী বংশলোচনবাব, বলিলেন, ব্যক্তি ধামলে সে চিন্তা করো। আপাততঃ এখানেই খাওয়াদাওয়ার ব্যবস্থা হোক। উদ্যো, বলে আর তো বাড়ির ভেতর। চাটজ্যো বলিলেন, মসুর ডালের খিচুড়ি আর ইলিশ মাছ ভাজা।”

এই চির যুদ্ধপর্বে সত্যব্রতের কথা স্মরণ করিয়ে দিয়ে পাঠকের চিত্তে একটি দীর্ঘ নিঃশ্বাস প্রশংসিত করে তোলে। রেশন কার্ড নাই, কন্ড্রোল নাই, ইলিশ মাছ চালান বন্ধ হওয়ার আশংকা নাই; যত রাতেই বাড়িতে ফেরা না কেন, ট্রাম বাস পাওয়া যাবে, নাই ধর্মঘট, নাই ছিনতাইয়ের আশংকা। কল বছর আগেকারই বা কথা। কিন্তু সত্যব্রত তো নৌকিক বছর গণনার হিসাবের উপরে নির্ভর করে না। প্রত্যেক যুগ বিপত যুগের মধ্যে অচিরত্যাগ আশার মরীচিকা দেখে—সেই তো সত্যব্রত। জাবালি পরনী “হিন্দুলিনী তাঁর বাবার কাছে শুনিয়েছিলেন, সত্যব্রতের এক কপর্দকে সাত কলস খাটি হৈয়গবীন মিলিত, কিন্তু এই দম্ব ছেতাব্রতের তিন কলস মাত্র পাওয়া যায়, তাও ভয়সা।” আজকের সকলের মতোই একজন হিন্দুলিনীর বাস। আবার আগামী যুগে বর্তমান কালের দিকে তাকিয়ে, ধর্মঘট ঘেরাও, কন্ড্রোল, রেশন, ছিনতাই-শঙ্কিত যুগকে সত্য বলে দীর্ঘ নিঃশ্বাস ফেলবে। পাঠকে কেন্দর চাটজ্যো গল্পমালা পড়বার সময়ে দীর্ঘ নিঃশ্বাসের চিরন্তন বাসা সত্যব্রতের প্রবেশ করবার সুযোগ পায়। এই গল্পগােলির রসের নিত্যতার কারণ বংশলোচনবাবের বাড়ির আড়া ও আশ্রয়ধারীণ নিত্যকালের অধিবাসী, যে নিত্যকাল লৌকিক হিসাবের উর্ধ্ব। সত্য বিক্ষুব্ধ সংসার-সমুদ্রের মাঝখানে এই শান্তিময় দ্বীপটিতে পদাৰ্পণ করবামাত্র এখানকার নাগরিক জখিকার লাভ করা যায়। কিছু মাত্র দায়িত্ব নাই, বসে বসে কেন্দর চাটজ্যোর গল্প শোনো, (যাখা দিলে ব্রাহ্মণ চটে যায় এমন কাজটি করা না), নগেন ও উদরের পরস্পরকে আক্রমণ কৌশল লক্ষ্য করা, পায়ো তো বিনোদ উকীলের কোল থেকে তাকিয়াটা টেনে নাও, আর সম্ভব হলে বংশলোচনবাবের অনবধানতার সুযোগে পাশে থেকে Happy though Married বইখানা আলগোছে টেনে নিয়ে ব্যক্তিগত সমসার সমাধান প্রচেষ্টা করা। রাত যতই হোক মসুর ডালের খিচুড়ি ও ইলিশ মাছ ভাজার আসরে যথাসময়ে ডাক পড়বে। স্বচ্ছল গৃহস্থ বংশলোচনবাবের বাড়িতে সর্বদা দু’চারজন অতিথির জন্ম চালা নেওয়া হয়ে থাকে। বিশেষ প্রয়োজনও আছে, কেননা, ১৪ নম্বর পাশ্চাত্যবাসিনী লেনের আশ্রয়ধারীরা ক্রমে ক্রমে ওখানে গিয়ে সমবেত হচ্ছেন, এতদিনে বোধহয় সকলেই খন্দকালের সীমা পেরিয়ে নিত্যকালের আসরে গিয়ে জুটেছেন।

॥ ৮ ॥

পরশুরামের জনপ্রিয়তার শ্রেষ্ঠ কারণ তার গল্পগােলির বাহনের বিশেষ প্রকৃতি। এই বিশেষ প্রকৃতিকে সাধারণভাবে হাস্যরস বলা বলে, কিন্তু আগে মনে করিয়ে দিয়েছি যে হাস্যরসের বর্ণালী বা বর্ণচ্ছটায় নানা রঙ, এক প্রান্তে অনতিপ্রচ্ছন্ন অশ্রু, আর এক প্রান্তে অনতিপ্রচ্ছন্ন তিরস্কার, মাঝখানে আছে বিশুদ্ধ কৌতুকহাস্য ও অনজ্ঞাতের হাসি। আরও বলেছি যে, পরশুরামের হাসি অনতিপ্রচ্ছন্ন তিরস্কার-ঘোষা। সেই সংগেই বলেছি যে, আধুনিক মন রসের ভিত্তি বাঁচিয়ে চলতে অভ্যস্ত নয়, বিভিন্ন রস একত্রে বিভিন্ন জাতের হাসি মিশে গিয়ে মিশ্ররসের এবং মিশ্র জাতের হাসি সৃষ্টি করে। পরশুরামে বিশুদ্ধ কৌতুক হাস্য আছে, যেমন গুপী সাহেব ও উপেক্ষিতা, জটায়ু বকশী পর্যায়কেও এই শ্রেণীতে ধরা উচিত। অনতিপ্রচ্ছন্ন তিরস্কারের

২২

হাসিই অধিকাংশ গল্পে। অনতিপ্রচ্ছন্ন অশ্রু বড় চোখে পড়ে না। হাসতে হাসতে কণ্ঠ ধাপ্পামুখে করে তোলে কথলাকান্তের দস্তরে ও বৈকুণ্ঠের খাতায়। সে হাসির বোধ কণ্ঠ একেবারেই অভাব পরশুরামে। বেগসি’ যাকে ইন্টেলেকচুয়াল লাফটার বলেছেন, পরশুরামের হাসি তাই। তবে তাঁর হাসির একটা প্রধান লক্ষণ এই যে, ব্যক্তি বিশেষের বা গোষ্ঠী বিশেষের পায়ে এসে লাগে না। এ হাসি ভূতের তিলের মতো সম্মুখে এসে পড়ে সচকিত ও সতর্ক করে দেয়, গায়ে লেগে বাখা দেয় না। অর্থাৎ হাসির উদ্দেশ্য সাধিত হয় অথচ উদ্দিষ্ট ব্যক্তি পীড়িত হয় না। সেই জন্য সকলেরই কাছে এর নিত্য সমাদর। অপরপক্ষে জন্মতলাল ও ইন্দ্রনাথের হাসি ব্যক্তিবিশেষ ও গোষ্ঠী বিশেষের পক্ষে পীড়াদায়ক। স্ত্রীশিক্ষা, ইংরেজীশিক্ষা, রাজনৈতিক আন্দোলন, ব্রাহ্মসমাজ এবং অনেক ক্ষেত্রে ব্যক্তিবিশেষ এই হাসির লক্ষ্য। পরশুরামের হাসির লক্ষ্য Idea, Ideology, কোন কোন ব্যক্তি, ব্যবসায়, সাহিত্য ও ধর্মের ব্যাচার ইত্যাদি। এ হাসির একটা মস্ত সুবিধা এই যে, প্রত্যেকেই মনে করে সে ছাড়া আর সকলে তার লক্ষ্য, কাজেই অস্বেক্ষে হাসতে তার বাধে না। পণ্ডারাম বাটপারিয়ার পেন্সনপ্রাপ্ত রায় সাহেব তিনকড়িবাবু, শ্যামানন্দ ব্রহ্মচারী, বিরিণ্ডাবাবা, বকুবাবু, শিহরন সেন জ্যান্ড কোং সকলেই প্রাণ ভরে হাসে, হাঃ হাঃ হাঃ—অনেক লোকটাকে খুব ঠুকেছে দেখছি, খেড়ে হয়েছে। শেস্তাপীর নাটকে প্রকৃতির দর্পণ বলেছেন। পরশুরামের দর্পণখানা কিছ, ধাক্কা, দর্শক নিজের বিকৃত ছায়া দেখে বুঝতে না পেরে ভাবে অপরের ছায়া, পেট ভরে হেসে নেয়। সামান্য অতিরঞ্জনের আমদানি করে পরশুরাম এই কাজটি সুসিদ্ধ করেছেন। হাস্যরস সৃষ্টির একটি চিরাচরিত পন্থা অপ্রত্যাশিতের অতিক্রম সমাবেশ। সকলকেই অস্বপ্নিতর এ পন্থা অনুসরণ করতে হয়েছে। এ গুণটিতে পরশুরাম প্রতিবন্দী-রহিত। সত্যরতর উক্তি, “সাজেল মশার বলছেন ধর্মজীবনের মধুরতা, আর আমি ভাবছি আর সোলা।”

শুপর্ণিখা বিরহ দুঃখ বর্ণনা করছে এমন সময়ে ভাইকি পদ্মলা জিজ্ঞাসা করে বসে “পিসি, তুমি ষাি খেয়েছে?”

“নিরুপমা বলিল—শাক নয়, ঘাস সোম্ব হচ্ছে। গুঁর কত রকম খেয়াল হয় জানেন তো।”

“নিবারণ। সোম্ব হচ্ছে? কেন ননীর বুদ্ধি কটা ঘাস আর হজম হয় না।”

“দি অটোম্যাটিক প্রীদুর্গাঙ্ক”, “ঠোঁটের সিদ্দুর অক্ষয় হোক”, “শিবুর তিন জন্মের তিন স্ত্রী এবং নৃত্যকালীর তিন জন্মের তিন স্বামী”, “তঁহার (নাস্তিকরা) মরিলে অঞ্জলেন, হাইড্রোজেন, নাইট্রোজেন প্রভৃতি গ্যাসে পরিণত হন”, “লালিমা পাল (পেং)”, “তবে এইটুকু আশার কথা, এখানে (দাজিলিঙ পাহাড়) মাঝে মাঝে ধস নামে।” “সার আশুতোষ এক ভলমে এনসাইক্লোপিডিয়া লইয়া তাড়া করিলেন”, প্রভৃতি। এমন উদাহরণ শত শত উদ্ধার করা যেতে পারে। এই ধরনের অপ্রত্যাশিতের অতিক্রম সমাবেশকে এক ধরনের এপিগ্রাম বলা যেতে পারে, প্রভেদের মধ্যে এই যে সাধারণ এপিগ্রাম ভাবময়, এগুলি চিত্রময়। এইসব এপিগ্রামের স্বমূল্যগ-বর্ণণ যেমন মনোহর, তেমনই অভ্যাবশ্যক। এরাই পাঠকের মনকে সর্বদা সজাগ করে রেখে দেয়, তার চোখের সম্মুখে পথ দৃশ্যমান ও সাদম হয়ে ওঠে।

॥ ৯ ॥

পরশুরামের রচনাগােলির প্রকৃতি সম্বন্ধে সাধারণভাবে বক্তব্য শেষ করে এবারে গ্রন্থ হিসাবে তাদের আলোচনায় প্রবৃত্ত হওয়া যেতে পারে। কিন্তু তার আগে বইগুেলোর আপেক্ষিক গুরুত্বের কারণ সম্বন্ধে আরও কিছু বলা আবশ্যক।

২৩

গল্পনিকা ও কল্পনী অধিকাংশ পাঠকের বিবেচনায় পরশুরামের শ্রেষ্ঠ কীর্তি। একথা সম্পূর্ণ সত্য হোক বা না হোক এই বিবেচনার কিছু হেতু আছে। প্রথম দু'খানির সঙ্গে শেষের সাতখানির একটি প্রধান পার্থক্য (অন্য পার্থক্য আগেই দেখানো হয়েছে) প্রথম দু'খানিতে দেখানো হয়েছে জীবনচিত্র, শেষের কল্পনামিতে ব্যাখ্যা করা হয়েছে জীবনতত্ত্ব। প্রথম দু'খানি ছবি, শেষের গুলি ভাস্কর্য। তবে ছবি ও ভাস্কর্য আগে যাকে বলেছি চিত্র ও তত্ত্ব সম্পূর্ণ অন্য নিরপেক্ষ নয়। অনেক সময়ে একটার মধ্যে আর একটা এসে পড়েছে। তবে ব্যতিক্রম বাদ দিয়ে বিচার করলে পার্থক্য মনে নেওয়া ছাড়া উপায় নেই। খ্রীষ্টীয়সিংশেরবাণী নিমিত্তে ও বিরোধিতা আর তৃতীয়দ্বৈততা, রামরাজা বা গামান্দ্য জাতির কথা, একজাতের গল্প নয়। প্রথম দুটোতে লেখক ছবি একেই সন্তুষ্ট, শেষেরগুলোতে ছবির সঙ্গে মন্তব্য জুড়ে দিয়েছেন কিংবা বলা উচিত মন্তব্যের সঙ্গে কখনো কখনো জুড়ে দিয়েছেন ছবি। ফান্দুস ও ঘাড়িতে এই রকম প্রভেদ। ফান্দুস হাত থেকে ছেড়ে দিয়ে বাজিকর সম্পূর্ণ দায়মুক্ত, তারপরে ঐ বস্তুটা বাতাসের বেগ ও নিজের ভার অনুসারে চলতে থাকে। ঘাড়ি উড়ানদার নিরপেক্ষ নয়, বাতাসের বেগ ও নিজের ভার যাই বলুক, যতই উচ্চতে সে উঠুক, ওর হাতের চরম টানটা পড়ছে উড়ানদারের হাত থেকে। লোকটি ভায়করা, ঘাড়ির গতিবিধি তার ভায়। অন্যপক্ষে ফান্দুস অনানির্ভর স্বয়ংসম্পূর্ণ। পৌরাণিক কাহিনী অবলম্বনে রচিত গল্পগুলি জীবনতত্ত্বের বা জীবনভাষ্যের শ্রেষ্ঠ আধার।

এখন পাঠক-সাধারণের কাছে তত্ত্বের চেয়ে চিত্রের আদর বেশি; তাকালেই চিত্র দেখতে পাওয়া যায়। তত্ত্ব ব্যক্ত হলে ব্যুৎপন্ন আবশ্যক, সকলে সব সময়ে ব্যুৎপন্ন খাটতে চায় না, বিশেষ গল্প উপন্যাসে, সে গল্প উপন্যাস আবার যদি হাস্যরসাত্মক হয়। কিন্তু বুদ্ধমান পাঠকের কাছে শেষের বইগুলোর আদর কম হওয়ার কথা নয়; লেখকের প্রতিভার সঙ্গে মনুষ্যিক লাভ করাকে তারা উপরি পাওনা বলে গণ্য করে। শেষের বইগুলির গল্পে সমাজ, সাহিত্য, ধর্ম, সমাজতন্ত্র, গণতন্ত্র, যুদ্ধ, শান্তি, প্রেম, নরনারীর সম্বন্ধ প্রভৃতি গুরুতর বিষয় সম্বন্ধে মন্তব্য করেছেন আর সেই মন্তব্যের সমর্থনে কখনো বিচিত্র নরনারী ও ঘটনাকে উপস্থাপন করেছেন।

তবে উভয় পর্যায়েই ব্যতিক্রম আছে বলে আগে উল্লেখ করা হয়েছে। শেষের বইগুলির মধ্যে জটিল বক্শী সিরিজ, দুই সিংহ, আনন্দীবাসি, আভার পায়স, পরশু পাথর, সরলাক্ষ হোম, জয়হরির জেরা, লক্ষ্মীর বাহন, রাতারাতি, গুরুবিদ্যার প্রভৃতি জীবনচিত্র-প্রধান গল্প। আবার দুয়ের মিশ্রণে অত্যুক্ত সৃষ্টি গগন চটি। এটি পরশুরামের অতি শ্রেষ্ঠ গল্পগুলির অন্তর্গত একটি ক্ষুদ্র সরস কাহিনীর ক্ষেত্রে মধ্যে বর্তমান পৃথিবীর ধাপ্পা ও ভণ্ডামিকে সশ্রদ্ধ করে দাঁড় করানো মনোশায়নার চরম; গল্পের কল্পনার পিছনে মনুষ্যের প্রেরণা না থাকলে এমন সম্ভব হতো না।

প্রথম দু'খানির এগারটি গল্পের মধ্যে জাবালি নিঃসন্দেহে জীবনতত্ত্ব-প্রধান। শব্দু তাই নয় পরবর্তীকালে পৌরাণিক কাহিনী অবলম্বনে যে-সব গল্প লিখেছেন জাবালি তাদের প্রথম। খুব সম্ভব রামায়ণ ও মহাভারত সম্বন্ধে আগ্রহ থেকেই তিনি পেয়েছেন পৌরাণিক কাহিনী পুরোচিত্রিত ছাঁচে ঢালাই করবার প্রেরণা। সে যাই হোক এই জাবালিতে আমাদের বিশেষ প্রয়োজন আছে, পরে সর্বসত্তার বলবো। আপাততঃ অন্য গল্পগুলি সম্বন্ধে বিচার সেয়ে নেওয়া যেতে পারে।

এগারটি গল্পের জাবালি বাদ পড়লে থাকে দশটি। মহাবিদ্যা ও উলটা-পুরাণ দু'খটির অভিনবত্ব, নরনারীর বৈচিত্র্য এবং Wit-এর শব্দোতবর্ষণে চিত্তাকর্ষক হলেও, শব্দ গল্পের ক্ষেত্রে অভাবে অন্যগুলো সমকক্ষ হতে পারেনি। ওর অঙ্গ-প্রত্যঙ্গগুলি মনোহর, কিন্তু

সমগ্র রূপটি নয়। লেখক যেন দেহের outline-টা আঁকতে জ্বলে গিয়েছেন। অন্য আটটি গল্প বাংলা সাহিত্যের শ্রেষ্ঠ আর্টস্ট গল্প।

গোড়তে উল্লেখ করেছি যে রাজশেখর বসুর বিজ্ঞান শিক্ষা (আইনও তার মধ্যে পড়ে) এবং বৃহৎ ব্যবসার প্রতিষ্ঠানের কতক গল্পগুলির উপাদান সংগ্রহে তাকে সাহায্য করেছে। সকল লেখককেই করে থাকে। বঙ্কিমচন্দ্রের হাকিমী অভিজ্ঞতার পরিচয় তাঁর অনেক উপন্যাসে আছে। রুশকান্তের উইল ও রজনী প্রকৃষ্ট উদাহরণ। সংগীতবিদ্যার সম্বন্ধে ঘনিষ্ঠ জ্ঞানের পরিচয় পাওয়া যাবে রবীন্দ্রনাথের অনেক রচনায়। তাঁর অনেক Image অনেক অলংকার সংগীত-বিজ্ঞানকে ভিত্তি করে গড়ে উঠেছে। রাজশেখর বসুর কাজে লাগিয়েছেন তাঁর অভিজ্ঞ জ্ঞানকে। খ্রীষ্টীয়সিংশেরবাণী লিমিটেড গল্পের কোম্পানীর আইনের রশ্মি সম্মানে বীর জ্ঞান পাকা। আবার বিজ্ঞানবিদ্যাও তাঁর কাজে লেগেছে। কুমড়োর চামড়া কৃষ্টিক পটাশ দিয়ে বয়েল করলে ভেজিটেবিল শব্দ হলেও হতে পারে এ ধারণা সকলের মাথায় আসবার কথা নয়। আবার বিরোধিতাবাদে প্রোফেসর ননীর বৈজ্ঞানিক পরীক্ষার আইডিয়া কেবল তারই মাথায় আসা সম্ভব, বিজ্ঞানের বিশেষ রসায়নের সাধারণ সূত্রগুলি যিনি অবহিত। প্রাগৈতিহ্যে অভিব্যক্তিবাদ প্রভৃতির মূল সূত্রগুলিকে তিনি কাজে প্রয়োগ করেছেন পরবর্তী অনেক গল্পে।

তারপর ১৪ নম্বর পাশীবাগন লেনের আর্টস্টিক এবং আত্মধারীদের অনেককে তিনি নামানতরে ও রূপান্তরে ব্যবহার করেছেন কেদার চট্টোপাধ্যায় গল্পমালার।

রাজশেখরবাবু স্বীকার করেছেন যে তিনি বেশী লোকের সঙ্গে মেশেন নি, দেশভ্রমণ বেশি করেন নি। প্রতিজ্ঞাবান লোকের পক্ষে এ প্রয়োজন সব সময়ে হয় না। বঙ্কিমচন্দ্র খুব মিশুক লোক ছিলেন না, দেশভ্রমণও বেশি করেন নি। তবে তাঁর উপন্যাসে এত বিচিত্র নরনারী এতদো কোথা থেকে? তাদের অধিকাংশ স্বেচ্ছায় দিয়েছে দেখা আদালতে এসে। রাজশেখরবাবুর বেলায় বেঙ্গল কোমিক্যালের আপসে। বাঁকটুকু প্রতিভার রসায়ন। সত্যেন্দ্রনাথ দত্ত বাঙালীর রসায়ন বিদ্যার সম্বন্ধে মন্তব্য করেছেন "মোদের নব্য রসায়ন শব্দু গরমিলে মিলাইয়া।" গরমিলে মেলানোই যে হাস্যরস সৃষ্টির প্রধান উপায়। হাস্যরস ফাঁকিরের আল-খায়দা, নানা রঙের কাপড়ের টুকরোর তৈরী। বেঙ্গল স্কুল অব কেমিস্ট্রির নব্য-রাসায়নিক পরশুরাম সেই নীতিতেই তাঁর হাস্যরস গল্পগুলি সৃষ্টি করেছেন।

এবারে জাবালি। জাবালি চারটি খুব জনপ্রিয় না হলেও (সেখানেও জনপ্রিয় ছিলেন না) জাবালি গল্পটি, অতি উৎকৃষ্ট। আর শব্দু তাই নয় পরবর্তী অনেক উৎকৃষ্ট পৌরাণিক গল্পের অগ্রজ।

রুমা জাবালিকে উদ্দেশ্য করিয়া বলিলেন, "হে স্বাবলম্বী মূর্ত্তমতি যশোরামদুঃ তপস্বী, তুমি আর দুর্গম অরণ্যে আত্মগোপন করিও না, লোকসামাজে তোমার মন প্রচার কর। তোমার যে দ্রাবিড় আছে তাহা অপনদীত হউক, অপরের দ্রাবিড়ও তুমি অপনয়ন করো। তোমাকে বেহ বিনষ্ট করিবে না, অপরেও যেন তোমার দ্বারা বিনষ্ট না হয়। হে মহাজানু, তুমি অমরর লাভ করিয়া যোগে যুগে লোকে লোকে মানবমনকে সংস্কারের নাগপাশ হইতে মুক্ত করিতে থাকো।"

স্বাভাবিক মূল্যমূল্য যশোবিম্ব সংস্কারের ছিন্নবন্ধন জাবালি মানব সমাজের বিরুদ্ধে একটা মূর্তিমান প্রচ্ছন্ন তিরস্কার। এর আগে অনেকবার বলেছি পরশুরামের হাস্যরসের বিশেষ প্রকৃতি প্রচ্ছন্ন তিরস্কার। পরশুরামের চোখে আদর্শ পুরুষ জাবালি। অমরনাথে ও কমলাকান্তে মিলিয়ে নিলে, হয়তো বন্ধুচন্দ্রের ব্যক্তিকে খানিকটা পাওয়া যায়। তেমনি খুব সম্ভব পরশুরামের ব্যক্তির খানিকটা পাওয়া যায় জাবালি চরিত্রে। পরশুরামের Symbolic Hero জাবালি। ত্রৈলোক্যনাথের সঙ্গে বারে বারে পরশুরামের তুলনা করেছি, আবার করা যেতে পারে।

ত্রৈলোক্যনাথের চোখে আদর্শ পুরুষ মূল্যমূল্য গল্প পর্ষায়ের সুবলচন্দ্র গড়গাতি। গড়গাতি সরল ভাবে স্বীকার করেছে, (যেন অপরাধ স্বীকার) "ভালরূপ লেখাপড়া জানি না, শাস্ত জানি না, জানি কেবল এই যে সত্য ও পরোপকার, ইহাই ধর্ম।" ত্রৈলোক্যনাথের জীবনেও এই ছিল নীতি ও প্রকৃতি। তাঁর হাস্যরসের প্রচ্ছন্ন অশ্রু জগতের Symbolic Hero সুবলচন্দ্র গড়গাতি। একজনে ঘনীভূত অশ্রু, অপরজনে ঘনীভূত তিরস্কার। এইভাবে দুইজনে হাসির বর্ণালীর দুই বিপরীত প্রান্ত।

॥ ১১ ॥

এবার আর গ্রন্থ হিসাবে নয় বিভিন্ন পর্ষায় হিসাবে গল্পগুলির আলোচনা করবো। অনেকগুলি পর্ষায়ক্রম পরশুরামে আছে, তার মধ্যে পৌরাণিক, কেদার চাটুজো, জটায়ু পর্ষায়গুলি প্রধান। অন্য গল্পগুলি উল্লেখযোগ্য হলেও পর্ষায়রূপে তাদের তেমন গুরুত্ব নাই, অর্থাৎ এই সব গল্পে পর্ষায়ের বিস্তার সম্বন্ধীর্ণ।

চিত্তাকর্ষকগুন কেদার চাটুজো ও জটায়ু পর্ষায়ের অধিক হলেও চিত্তাকর্ষকগুন পৌরাণিক পর্ষায়ের সবচেয়ে বেশি। সমাজ রাজনীতি ও ইতিহাস প্রভৃতি বিষয়ে পরশুরামের চিন্তায় এগুলি বাহন। কত বিষয়ে যে তাঁর কল্পনা প্রসারিত হয়েছে, কত সমস্যা যে তাঁর চিন্তার পরিধির মধ্যে এসে পড়েছে গল্পগুলি সেই পরিচয় বহন করছে।

অনেকের মধ্যে এমন কথা শোনা যায় যে, পরশুরামের হাতে পড়ে পৌরাণিক নরনারীর বা কাহিনীর অপকর্ষ সাধিত হয়েছে। একথা সত্য নয়, তবে পুরাণের সঙ্গে গল্পগুলির যে ভেদ ঘটে গিয়েছে তা অবশ্যই সত্য। এ ভেদ কালের ও লেখকের দৃষ্টির ভেদ। পুরাণ-গুলিতে সমস্ত কাহিনী একরূপে নয়, বিভিন্ন পুরাণে একই কাহিনীর রূপান্তর দেখতে পাওয়া যায়। সেও একই কারণে, কালের ও লেখকের দৃষ্টির ভেদ। কালের ও লেখকের দাবী অনুসারে পরশুরামের হাতে পুরাণের জন্মস্থানের ঘটেছে বললে অন্যায় হয় না।

রামরাজ্য ও চিরঞ্জীব পুরাণের সঙ্গে আধুনিক কালের মিশ্রণ। রামরাজ্য গল্পের মিডিয়াম-রূপে ভূতগুস্ত ভূতনাথ যে গভীর সামাজিক তত্ত্ব প্রকাশ করেছে তা কখনোই আধা-মুখ্য ভূতনাথের দ্বারা সম্ভব নয়। শেষপর্ষান্ত পাঠকের মনে এই সন্দেহটুকু লেখক জাগিয়ে রেখেছেন, পাঠক ভাবতে থাকে তবে কি সত্যই সে ভূতাবিষ্ট হয়েছিল? ভূতনাথ কাঁথত তত্ত্বগুলিকে সে গ্রহণ করলেও ভূতনাথের নিজস্ব বলে গ্রহণ করতে তার বাধে। এই বাধাটুকু সৃষ্টি খুব মননশীলতার কাজ।

চিরঞ্জীবও তাই। চিরঞ্জীব কে? বিভিন্ন ঘাড়া আর কে হবে? অথচ স্পষ্ট করে বলা হয়নি।

২৬

গুলাবুলিস্তান আরব্য-উপন্যাসের উপসংহার, ভারতীয় পুরাণের রূপান্তর নয়, অন্য নামের অভাবে তাকে পৌরাণিক বলেই ধরা উচিত।

দশকরণের বানপ্রস্থে সুখের স্বরূপ বর্ণিত হয়েছে। রাজ্য দশকরণ নানা অবস্থার মধ্যে সুখের সন্ধান করেছেন, শেষ পর্যন্ত তিনি আবিষ্কার করলেন যে, পরের ঘর ছেড়ে দেওয়া ছাড়া আর কিছুতেই সুখ নাই, পরোপকারই যথার্থ সুখ। বাণ্যরাসিক কমলাকান্তেরও এই সিদ্ধান্ত। অপর দুইজন অতিশ্রেষ্ঠ বাণ্যরাসিক বানার্জী শ ও ভলটোরার শেষ পর্যন্ত এই একই সিদ্ধান্তে উপনীত হয়েছেন। Candide এবং Blackgirl's Search for God এই দুই ক্ষমর গল্পে এই একই সিদ্ধান্ত। দশকরণ ঘরামী বৃত্তি ছেড়ে সিংহাসনে ফিরে যেতে অস্বীকৃত হয়েছেন।

তৃতীয়দেউসভায় দেখানো হয়েছে, অধর্মের বিরুদ্ধে অধর্মীচরণ রাজনীতির চিরস্বীকৃত নীতি। এই নীতির প্রেরণাতেই শকুনির দ্রাভা মংকুনি যুদ্ধাধিকারকে কপট দারুতের সাহায্য লাইতে পরামর্শ দিয়েছেন।

ভীম গীতা গল্পে ভীম কৃষ্ণকে বলেছেন কাপুরুষতা ও ধর্মভীরুতা কোনটাই তার চরিত্রের লক্ষণ নয়; সে মধ্যপন্থী। কাজেই কৃষ্ণ তাঁর উচ্চ আদর্শ নিয়ে থাকুন, ভীম ক্ষত্রির ধীরের কর্তব্য করবে। এই গল্পে চোকমল আর তক্ষমল নামে কৃষ্ণের দুইজন সেবকের উল্লেখ আছে, তারা নিতান্ত সাধারণ ও দুর্বল ব্যক্তি। তাদের সিদ্ধান্ত এই যে, দুর্বলের একমাত্র উপায় জোটবান্দা। বোলতার ব্যক্তি বাঘ-সিংহকেও জয় করতে পারে। বর্তমান যুগ এই নীতি অবলম্বন করে চলেছে।

ভরতের কামেশ্বরি ভারত বিভাগ সম্বন্ধে ব্যঙ্গ মন্তব্য।

অগস্ত্যদেব রাজাদের জিগীষার মূর্ত্ততা সম্বন্ধে ব্যঙ্গ মন্তব্যে পরিপূর্ণ।

বালাখিলাগণের উৎপত্তি চিন্তাশীল মাত্রেরই প্রাণিধানযোগ্য। লেখকের অভিমত এই যে, বালাখিলাগণের লীলা পৌরাণিক কাজেই সীমাবদ্ধ নহে; যুগে যুগে সে লীলা পুনঃসৃজনময় হয়ে থাকে, বর্তমান যুগ সেই লীলার প্রশস্ত আসর।

তিন বিধাতা গল্পে পাণের উৎপত্তি ও তার প্রতিকার সম্বন্ধে চিত্তাকর্ষক বিবর্তি আছে। লেখকের বক্তব্য এই যে, বিধাতা পাপপুণ্যের অতীত, তাঁর চোখে সবই সমান, মানুষ ক্রুর মুখ্য বলেই পাপপুণ্যের ভেদ করে আর উদ্ভিদ হয়ে ওঠে। অসীমকালের অধীশ্বর বিধাতা নিরুদ্ভিদ। পাপ ও পুণ্য দুইই জীবনের অপরিহার্য লক্ষণ। কোন একটিকে বাদ দিয়ে জীবনকে কল্পনা করা চলে না।

গন্ধমাদন-বৈঠকে দেখানো হয়েছে যে, ধর্মযুদ্ধ বলে কিছু সম্ভব নহে। যুদ্ধের আগে ধর্মের প্রেরণায় যেমনই নিয়ম বেধে দেওয়া হোক না কেন, যুদ্ধকালে তার বাঁধতার ঘটবেই। কৃষ্ণের যুদ্ধ থেকে আরম্ভ করে দ্বিতীয় বিশ্বযুদ্ধ পর্যন্ত সমস্তই এই বাঁধতার দৃষ্টান্তে পূর্ণ। হয় যুদ্ধ একেবারে বন্ধ করতে হবে, নয় যুদ্ধে অধর্মকে স্বীকার করে নিতে হবে। নির্যম্যক নৃত্যে জীবনে একটি গভীর জিজ্ঞাসাকে ব্যাখ্যা করার চেষ্টা হয়েছে। প্রকৃত সৌন্দর্য রূপান্তরী নয়, তার স্থান আরও গভীর। উর্বাশীর পরাজয়ে এই সত্যটি দেখানো হয়েছে।

যশোবীর জরা গল্পে দেখানো হয়েছে যে, তথাকথিত সন্ন্যাস বাসনার মূলচ্ছেদ করতে যক্ষম। বাসনা যখন রূপসী নারীরূপে উপস্থিত হয়, তখন সন্ন্যাসের সবারগচিত তাদের ঘর ছেড়ে যেতে পড়ে।

জন্মরূপ পান্ডিত একজন মুখ্য আদর্শবাদী, তাই কোথাও প্রতিষ্ঠালাভ করতে পারেনি।

২৭

আদর্শবাদের সঙ্গে সাংসারিক কাণ্ডজ্ঞানের বিরোধ নেই এই কথাই বোধ করি লেখক বলতে চান।

এ ছাড়া আরও কতকগুলি গল্প এই পর্যায়ে পড়ে, বাহুল্যবোধে সেগুলির বিস্তারিত আলোচনা করা গেল না। আগেই বলছি আবার বলতে দ্বিগুণ নেই, ওই পর্যায়ের আদি ও শ্রেষ্ঠ গল্প জাবালি। শব্দ তাই নয় মূল্যমতি সংস্কারমুক্ত জাবালি পরশুরামের Symbolic Hero.

আর একটি পর্যায় আছে যার প্রধান ব্যক্তি কেদার চাট্জো। সে বস্তা ও প্রবক্তা দুই-ই। এই পর্যায়ে লক্ষবর্ণ, গুরুবিদায়, রাতারাতি, স্বয়ংবরা, দক্ষিণ রায় ও মহেশের মহাবাদ্য গল্পগুলির মধ্যে কোনটি শ্রেষ্ঠ নিশ্চয় করে বলা কঠিন। শ্রেষ্ঠ নিকৃষ্ট অভিযোগে আমরা কোনটি-কেই ছাড়তে রাজী নই। বাণ্য-সমাজচিত্র হিসাবে এই পর্যায়টিকে পরশুরামের শ্রেষ্ঠ কীর্তি বললে অন্যায় হয় না। প্রত্যেকটি চরিত্র নির্ধাতভাবে, নখদর্পণে বিশ্লেষিত। ঘটনাগুলি চিত্তকর্ষক এবং সর্বোপরি কেদার চাট্জোর গল্প-ব্যাখ্যান কি তার তুলনা দেব জানি না। এই বললেই বোধ করি যথেষ্ট হবে যে, একমাত্র কেদার চাট্জোতেই তা সম্ভব। এই গল্পের একটি প্রধান পাত্র লক্ষবর্ণকে ভুলি নাই, বংশলোচনবাবুর অনেক অল্প সে যত্নস করেছেন এবং গুরুবিদায় গল্পে নিজের কীর্তি দ্বারা সমস্ত অন্নশয় শোধ করে দিয়েছে।

জটায়র বক্শী সিরিজের তিনটি গল্প। জটায়র বক্শী ভণ্ড ও জেয়েচোর। কিন্তু হলে কি হয়, তার নব নব উদ্দেশ্যশালিনী বৃষ্টি ও সপ্রতিভ ভাব তার উপরে কাউকেই রাগ করতে দেয় না। চাণ্ডারানি সূচ্য সমালোচনা বিতরণ করে যখন সে সকার্জ সিদ্ধি করেছে, তখনও তার উপরে রাগ করা অসম্ভব। যখন স্পষ্ট বৃত্তে পারছি যে সে পকেট মারছে, তখনও মনে হয় যা করছে করুক কেবল আর কিছুর কথ্য বলুক, তার কথাবার্তাতেই চাণ্ডারানি সূচ্যর উদ্ভাসক শক্তি বিদ্যমান। ডিকেন্স যে সব প্রতিভাবান জেয়েচোর সৃষ্টি করেছেন, তাদের সঙ্গে বেশ মিলতে জটায়র বক্শীর।

মাগালিক ও গামানুয়ে জাতির কথা গল্প দুটিতে চরিত্রগুলি ঠিক মানু্য নয়। মগলগল্প থেকে আগত ব্যক্তি মাগালিক, তার চোখে পৃথিবীর সমস্তই অশুদ্ধ, অসংলগ্ন ও অযৌক্তিক। গামানুয়ে জাতির কথা পাত্রগুলি মানু্য নয়, মানু্য বহুকাল আগে পৃথিবী থেকে লোপ পেয়েছে, এরা গোড়ায় ছিল ইন্দুর এখন আধাবিক রশ্মির প্রভাবে একপ্রকার, অন্য শব্দের অভাবে মনুষ্য ছাড়া আর কি বলব, মনুষ্য লাভ করেছে। এদেরই বিচিত্র ইতিহাস এই গল্পে।

বিশুেষ আদর্শবাদের প্রতি, যে আদর্শবাদ শতকরা একশো ভাগ খাঁটি, পরশুরামের অনু-কম্পা মিশ্রিত হাস্যর ভাব আছে। সত্যসম্বন্ধ বিনায়ক, ভবতোষ ঠাকুর, নিধিরামের নিবন্ধ, অক্রুর সংবাদ, অটলবাবুর অন্তিমচিন্তা ও সিদ্ধিনাথের প্রলাপ প্রভৃতি এই পর্যায়ে পড়ে। সত্যসম্বন্ধ বিনায়ক, ভবতোষ ঠাকুর ও নিধিরাম অবিমিশ্র সং প্রকৃতির লোক, খাঁটি আদর্শবাদী। কাজেই তাদের পরিণাম দুঃখের। আদর্শবাদ ও পাগলামি যে কোন কোন সময়ে ভিন্ন বলে প্রতীয়মান হয়, অক্রুর সংবাদ তার একটি উদাহরণ। আবার অনেক সময়ে আদর্শবাদ মানু্যকে যে নৈরাজ্যের মধ্যে নিয়ে যায়, অটলবাবুর অন্তিমচিন্তা তার একটি উদাহরণ। মোটকথা এই যে, আদর্শবাদকে পরশুরাম অশ্রদ্ধা করেন না কিন্তু সেই আদর্শবাদ যখন একান্ত হয়ে উঠে কাণ্ডজ্ঞানকে বর্জন করে, তখন তাকে ব্যঙ্গের উপকরণরূপে গ্রহণ করতেও তিনি কৃষ্ণিত হন না। আদর্শবাদের সঙ্গে কাণ্ডজ্ঞান মিশ্রিত হলে তবেই তা কার্যকর হয়ে ওঠে। বোধ করি এই তাঁর সূচিন্তিত অভিমত।

বাণ্য-লেখকের কলমের সঙ্গে প্রেমের বড় আড়ালাজি, দুয়ে মেলে না, কিংবা মিলতে গেলেও তীক্ষ্ণ কলমের ঠোকরে প্রেম বিকৃতি ঘটে যায়। সুইফট, বার্নার্ড শ ও ডলটোয়ার মহা প্রতিভাবান ব্যক্তি হওয়া সত্ত্বেও মধুর রসের কাহিনী লিখতে পারেন নি। এমন কেন হয় সহজেই অনুমেয়। ব্যঙ্গের চোখ ম্ভাবতই জীবনের অগুণতার দিকে নিবন্ধ আর প্রেমে যেমন জীবনের পুণ্যতার পরিচয় এমন আর কিসে? ও দুয়ে ধর্মের মূলগত প্রভেদ। অন্য-পক্ষে লিরিক কবি, প্রেম বাদের প্রধান উপজীব্য তাদের হাতের ব্যঙ্গের কলমের গতি বড় সুস্থ নয়। শেলী, ওয়ার্ডসওয়ার্থ, রবীন্দ্রনাথ উদাহরণ। ব্যতিক্রম ব্যয়রণ ও হয়নে। কীটস গায়ক্কে নিশ্চয় করে কিছু বলা যায় না, কাবের কোন ক্ষেত্রে তার সে প্রবেশ অনর্ধকারণ ছিল এমন মনে হয় না।

পরশুরামের বাণ্যদৃষ্টি ব্যঙ্গের স্বাভাবিক উপাদানের দিকে নিবন্ধ হলেও সৌভাগ্যবশত কখনো কখনো প্রেমের দিকে আকৃষ্ট হয়েছে। তার রচিত প্রেমের গল্প সংখ্যার সামান্য কয়টি তার উপরে আবার তাতে প্রেমের উল্লেখ নেই। এমন কি প্রথম নজরে অনেক সময়ে সেগুলি যে প্রেমের গল্প তা খোঁজা হয় না। তবু সেগুলি প্রেমের গল্প ছাড়া আর কিছু নয়, আর এই স্বল্প-সংখ্যকের কয়েকটি পরশুরামের শ্রেষ্ঠ কীর্তির অন্তর্গত। আমলদীবাঈ, যশোমতী, রত্নসীতামার, চিঠিবাজ, জয়হারির জেরা, নীলতারার প্রভৃতি এই শ্রেণীর অন্তর্ভুক্ত। গল্প-গুলিতে প্রেমের প্রকৃতি আবার এক রকম নয়।

আমলদীবাঈ গল্পে প্রেম দাম্পত্য সম্পর্কের সার্থকতা লাভ করেছে। যশোমতীতে কিশোর-কিশোরীর প্রণয় দীর্ঘ কাল-সমুদ্র ভুব সাঁতারের পার হয়ে যখন আবার মুখোমুখি হল তখন পাত্র বৃন্দ, পাত্রী বৃন্দা ও পিতামহী। তারা একদিন প্রেমকে দেখেছিল পুঁচিলের তীর থেকে আজ দেখলে অস্তচালের তীরে এসে, মাঝখানে দীর্ঘকালের বিচ্ছেদ। তাদের চোখে অস্তচালের দৃশ্যও কম মনোরম নয় কেননা তা পলে পলে পুরাতন হয়ে যাওয়ার দুর্ভাগ্য এড়াতে সমর্থ হয়েছে। প্রেমের উত্তাল সমুদ্র এখন তুণ্ডের শব্দ ও শান্ত, তাই বলে তার সৌন্দর্য অল্প নয়।

রত্নসীতামারে ধনী পাঠের সঙ্গে দরিদ্র পাত্রীর কোর্টেশিপ বড় নিপুণভাবে, বড় সুকুমার ভাবে, বড় আত্মসম্মান রক্ষা করে অধিকৃত হয়েছে। চিঠিবাজতে পাত্রপাত্রী পরস্পরকে পরীক্ষা করে নিচ্ছে। এ প্রেম একটু Intellectual, তাই বলে Emotion-এ কমতি পড়েনি। দুঃখের বাসরের সংলাপটুকু পড়লেই আর সন্দেহ থাকে না।

নীলতারাতে পথচালিত প্রেম শেষ পর্যন্ত স্বস্থানে এসে মিলিত হয়েছে। জয়হারির জেরা প্রায় Taming of the Shrew। অদৃষ্টের আঘাতে বেতসী খঞ্জিনী হয়েছে। এটুকুর প্রয়োজন ছিল খঞ্জ জয়হারির অর্ধাঙ্গিনী হওয়ার জন্য। গল্পগুলি প্রেমের নিঃসন্দেহ, তবে সে-সব গল্পে যে মামুলী উপাদান ও মনস্তত্ত্বের পাঁচ থাকে তা একেবারেই নেই, কিন্তু মানব স্বভাবের সঙ্গে সম্পর্ক সঙ্গতি আছে। এগুলি পরশুরামের দক্ষিণ হস্তের রচনা, তবে মননের রেখা গভীর নয়, রঙটাও হালকা।

আর কয়েকটি গল্প আছে বাদের কোন বিশেষ পর্যায়ে ফেলা যায় না, তবু তাদের মধ্যে মনে মিল খঁজে পাওয়া যায়। ভূষণ পাল ও দাঁড়কাল গল্প দুটিতে প্রচলিত অক্রুর আভাস

বিদ্যমান। পরশুরামে প্রচ্ছন্ন অশ্রু বিরল বলেই গল্প দুটি বিশেষ উল্লেখযোগ্য। শ্যামা নামান্তরে তমিষ্রা নামান্তরে দাঁড়কাগ বা কোয়া দিদি নিজের রূপহীনতা সম্বন্ধে সম্পূর্ণ দূর্ভাগ্য। এ বিষয়ে কোন মেয়ে সচেতন অর্থাৎ নিঃসন্দেহ হলে তার মন বিশ্বসংসারের বিরুদ্ধে বিদ্রোহ হতে বাধ্য। চরিত্রের ষড়যন্ত্রেই এমনটি হয়েছে বলে তার নিশ্চিত বিশ্বাস। কোয়ারিদি কিন্তু ঐ বিশ্বাসের ফাঁদে পা দেয়নি, বিবেককে নিজের বিরুদ্ধে আরোপ করে নিজেকে নিয়ে সে ঠাট্টা করতে পারে। এ কাজ যে পারে তাকে আঘাত করা কঠিন। কোয়ারিদি অশ্রুকে জমিয়ে আইসক্রীমে পরিণত করেছে, তার উপরে হাসির স্বয়ংক্রিয় পড়ে বড় মনোহর দেখাচ্ছে।

ভূষণ পাল এমনি আর একটি প্রচ্ছন্ন অশ্রু (অনতিপ্রচ্ছন্ন) কাহিনী। খুনী, আসামী ফাঁসির বলি। এমন লোকের মধ্যেও যে মহত্ব থাকতে পারে এখানে সেটাই অত্যন্ত সহজে দেখানো হয়েছে। অপটু লেখকের হাতে পড়লে চোখের জলের চেউ বয়ে যেতো, এখানে গোটা-দুই চাপা দীর্ঘ নিঃশ্বাস মাত্র শ্রুত হয়েছে।

কৃষ্ণকাল গল্পে প্রচ্ছন্ন বা প্রকাশ্য কোন প্রকার অশ্রু থাকবার কথা নয়, তবু প্রচ্ছন্ন অশ্রুর তালিকায় গল্পটির নাম লিখতে ইচ্ছে করে। গল্পটি শিউলি ফুলের মতো সুকুমার ও স্পর্শকাতর, এর মধ্যে কোথায় যে গল্প বৃষ্টি বৃষ্টিতে অক্ষম। শিউলি ফুলে যদি শিশিরের আভাস থাকে, তবে এ গল্পটিতেও অশ্রুর আভাস আছে।

॥ ১৪ ॥

সাহিত্য ও সাহিত্যিক সম্বন্ধে অনেক গুঢ়াৰ্ণ বাগ্ন মন্তব্য পরশুরামের বিভিন্ন গল্পে ছড়ানো আছে সত্য, কিন্তু সরাসরি বিষয়টি নিয়ে লিখিত গল্পের সংখ্যা বেশি নয়। দুই সিংহ, রামধেনুর বৈরাগ্য, বটেশ্বরের অবদান ও ধ্যানিক কবিতা গল্প করাটিকে সাহিত্য ও সাহিত্যিক বিষয় বলা যেতে পারে।

দুই সিংহ সাহিত্যিকের আত্মশ্রুতির হাস্যকর। রামধেনুর বৈরাগ্য এক শ্রেণীর সাহিত্যিকের মনোভাব সম্বন্ধে এবং বটেশ্বরের অবদান এক শ্রেণীর পাঠকের উপরে সাহিত্যের প্রভাব সম্বন্ধে বাগ্নচিত্র। ধ্যানিক কবিতা এক শ্রেণীর সাহিত্যিকের পরিণাম সম্বন্ধীয় সরস বিবরণ।

১৯২২-এ প্রথম গল্প প্রকাশের পর থেকে মৃত্যুকাল পর্যন্ত পরশুরামের যে গল্পধারা প্রকাশিত হয়েছে, তাদের মধ্যে বাঙালীর সামাজিক পরিবর্তন সূক্ষ্মভাবে প্রতিফলিত। গভলিকা ও কঙ্কালীর গল্পগুলিতে চল্লিশ-পঞ্চাশ বছর আগেকার সামাজিক সুখ-স্বাচ্ছন্দ্যের চিত্র। তারপরে ঝিঁঝিঁ বিম্ববৃষ্টি, সামাজিক অশান্তি, দুর্ভিক্ষ, দেশবিভাগ, স্বাধীনতালাভ ও তৎপরবর্তী অশান্ত অবস্থা রামরাজ, শোনা কথা, বালখিল্যগণের উৎপত্তি, গগন চুটি, মাংস্য ন্যায়, ভীম গীতা প্রভৃতি গল্পে চিত্রিত। কালান্তরে অবস্থান্তরে বাগ্ন-রসিকের দৃষ্টি এড়ায় নি।

পর্যায়ক্রমে আলোচিত গল্পগুলির বাইরে এমন অনেকগুলি গল্প আছে যা পরশুরামের শ্রেষ্ঠ সৃষ্টির মধ্যে। লক্ষ্মীর বাহন, পরশ পাথর, বরনারীবরণ, বদন চৌধুরীর শোকসভা, চিকিৎসা-সংকট, ভূষণ-ভীর মাঠে, কাচ-সংসদ, বিরাম্বাবা, কাশীনাথের জন্মান্তর প্রভৃতি বাগ্নরসের শ্রেষ্ঠ নিদর্শন।

৩০

॥ ১৫ ॥

এবার উপসংহার। আমাদের যা বক্তব্য প্রবন্ধ মতো নানা প্রসঙ্গে তা কথিত হয়েছে। উপসংহারে সেই সব পুরনো কথা দু-একটা স্মরণ করিয়ে দেওয়া যেতে পারে। প্রধান কথাটা এই যে, বাগ্নরচনার ক্ষেত্রে পরশুরামের একমাত্র দোসর ত্রৈলোক্যনাথ মুখোপাধ্যায়। রচনার ক্ষেত্রে, শ্রেণীভেদে ও বৈচিত্র্যে ত্রৈলোক্যনাথ বেশি পরিচয় পেরিয়েছেন। আবার রচনার ক্ষেত্রে, বাগ্নের তীক্ষ্ণতায়, বৃষ্টির অনুশীলনে পরশুরামের উপর। আবার রচনার ক্ষেত্রে, কংকালী উপন্যাসখানিকে অবলম্বন করলে ত্রৈলোক্যনাথের মতোমতো পরিচয় পাওয়া যায়। পরশুরামের ক্ষেত্রে সেরকম কোন অবলম্বন নেই, অন্ততঃ কৃষ্ণকাল গল্পে গ্রহণ না করলে তাঁর মোটামুটি পরিচয় লাভ সম্ভব নহে। গল্প-লেখকের পক্ষে এ এক মস্ত অসুবিধে। দুজনই উচ্চ-পাঠীয়ান শ্রেণী, তবে দুয়ে প্রভেদ আছে। ত্রৈলোক্যনাথের বাগ্ন প্রচ্ছন্ন অশ্রু, ঘোঁষা, পরশুরামের প্রচ্ছন্ন তিরস্কার ঘোঁষা, অশ্রু দুই ক্ষেত্রেই আছে। ত্রৈলোক্যনাথের গল্পগুলির উদ্ভব ও পরিবেশ গ্রামাঞ্চল, পরশুরামের কলকাতা শহর। এ ক্ষেত্রেও ব্যতিক্রম আছে। উদ্ভব ও পরিবেশের ভেদে দুজনের গল্পের বিষয়, মনোভাব ও টেকনিকে ভেদ ঘটেছে। পরশুরামের অসুবিধে এই যে নানা দেশের গ্রামাঞ্চলকে তিনি জানেন না বললেই হয়। না জানুন তাতে ক্ষতি নেই, কলকাতা শহরের অনেক পথঘাট ও বিভিন্ন অঞ্চলকে সাহিত্যে তিনি স্বাধীনভাবে চিত্রিত করে নিয়েছেন, সেই সব চিত্রে পাঠক বাস্তবের অতিরিক্ত কিছু পায়, ফলে কলকাতা শহর বাগ্নের সাহিত্যিকের কিছু পরিমাণে সত্যতর হয়ে ওঠে। আজ একশো বছরের উপরে বাঙালী সাহিত্যিকগণ কলকাতা শহরকে সাহিত্যের মানচিত্রে স্থায়ীভাবে দেবার চেষ্টা করেছেন, পরশুরামের বিষয় প্রধান সাহিত্যিকের মধ্যসুন্দর, বৎকমচন্দ্র, বরীন্দ্রনাথ এ বিষয়ে তেমন কোন মন বেননি। তাঁদের রচনায় বাংলাদেশের পল্লী অঞ্চল সত্যতর হয়ে উঠেছে। ডিকেন্স শহরকে কেন্দ্র করে জন্য বা করেছেন, কলকাতা শহরের জন্যে এখনও কেউ তা করেন নি। কলকাতা শহরের ডিকেন্স এখনও ভবিষ্যতের গর্ভে। পরশুরামের রচনায় কিঞ্চিৎ পরিমাণে এ চেষ্টা আছে। তিনি প্রতিভায়, পরিচয়ে ও স্বভাবে Urban বা নাগরিক। সেই জন্য তাঁর রচনা ত্রৈলোক্যনাথের চেয়ে অনেক বেশী মার্জিত, অনুশীলিত ও ভব্যতাবৃত্ত। অন্যপক্ষে সৃষ্টির ক্ষমতা তাঁর প্রাচুর্য ত্রৈলোক্যনাথে বেশী। তবে দুজনকে প্রতিদ্বন্দ্বী মনে না করে পরিপূরক মনে করাই অধিকতর সংগত। তাঁদের রচনাকে সামগ্রিকভাবে গ্রহণ করলে বাংলাদেশের সামাজিক ও নগরপ্রধান কলকাতা শহরকে যেন একত্রে পাওয়া যায়। এ একটা মস্ত সৌভাগ্য। দুজন গল্পগি ও জাবালি-যতই ভিন্নস্বরের ব্যক্তি হোক এক জায়গায় দুজনের মিল আছে। একজন ছব্ব দিয়ে, অপরজন বৃষ্টি দিয়ে সংসারকে বৃষ্টিতে চেষ্টা করেছেন, কেউই স্থিত-স্থির থাকে স্বীকার করে নেন নি। এদের দুজনকে বাগ্ন-রসিকতায় Symbolic Hero বলেছে, ত্রৈলোক্যনাথ ও পরশুরামের প্রতিনিধি হিসাবে তাদের পাঠকের সম্মুখে এনে দিয়ে আমাদের সবার সম্মান করলাম।

॥ ১৬ ॥

রাজেশ্বর বসু স্বনামে অনেকগুলি বই লিখেছেন। তার মধ্যে প্রধান চলিতকা অভিধান এবং রামায়ণ ও মহাভারতের সংক্ষিপ্ত সারানুবাদ।

৩১

সুখের বিষয় বাংলা ভাষায় অতিকার অভিধানের অভাব নেই, তৎসঙ্গে চলিতিকা অপরিহার্য। প্রথম কারণ, এর আয়তন বিভীষিকা ব্যঞ্জক নহে, যে সব শব্দ সাহিত্য ও সংলাপে নিত্য চলে চলিতিকার সঙ্গেই সংযোগ। দ্বিতীয় কারণ, বাংলাভাষা, বানান ও বানান-টিহে অরাজকতার মধ্যে একটি নিয়ম প্রতিষ্ঠা করবার চেষ্টা আছে। তৃতীয় কারণ, পরিশিষ্ট প্রদত্ত বিভিন্ন বৈজ্ঞানিক বিষয়ে পরিভাষা সংকলন। প্রধানতঃ এই তিনটি কারণে সাহিত্য-ব্যবসায়ীদের পক্ষে অর্থিক সাহিত্যিক, সাংবাদিক, শিক্ষক, অধ্যাপক, ছাত্র এবং প্রুফ-রিডারদের পক্ষে চলিতিকা অপরিহার্য সংগী। জ্ঞানেন্দ্রমোহন দাস, সুবলচন্দ্র মিত্র, হরিচরণ বন্দ্যোপাধ্যায় প্রভৃতি অভিধানের স্থান আলমারিতে, চলিতিকার স্থান লেখার টেবিলের উপরে। অভিধানের পক্ষে এর চেয়ে প্রশংসার কথা আর কি হতে পারে জানি না। শুধু এই বইখানা লিখলেই রাজশেখর বসু বাংলা ভাষায় স্মরণীয় হয়ে থাকতেন।

কোন বৃহৎগোথের সংক্ষেপণ একপ্রকার নিষ্ঠুর কার্য। সে গ্রন্থ আবার যদি মহৎ হয়, তবে এই নিষ্ঠুরতা প্রত্যাহারের পর্যায়ে পৌঁছতে পারে, কিন্তু রাজশেখর বসু প্রত্যাহারগোস্ত হননি তার কারণ রামায়ণ মহাভারত তথা প্রাচীন শাস্ত্রের প্রতি তার গভীর শ্রদ্ধা। এই শ্রদ্ধার প্রেরণাতেই তিনি রামায়ণ মহাভারতকে নবকলেবর দান করেছেন। মহাভারতের তুলনায় রামায়ণ ক্ষুদ্রকায় গ্রন্থ, কাজেই এখানে কার্যটি দুষ্কর হয়নি। মূল কাহিনীকে সহজ বাহ্য আকারে তিনি লিপিবদ্ধ করতে সমর্থ হয়েছেন। মহাভারতের ক্ষেত্রে তার চেষ্টা তর্কাতীত নয়।

কাহিনী, উপকাহিনী, উপদেশ ও অনুশাসনে গঠিত মূল মহাভারতে লক্ষাধিক শ্লোক। এ হেন তিমিগ্ন মহাগ্রন্থকে আট শ পৃষ্ঠার মধ্যে আনয়ন অসম্ভব বলেই মনে করতাম, যদি না রাজশেখর বসু হাতেকন্ডমে তা সম্পন্ন করতেন। তার এ কাজ তর্কাতীত না হতে পারে, তবে আদৌ যে সম্ভব হয়েছে তাই বিস্ময়কর। যাই হোক এই দুই অবশ্যপাঠ্য গ্রন্থকে সহজায়ক করে দিয়ে তিনি বাঙালীর মহৎ উপকার সাধন করেছেন। রামায়ণ, মহাভারত ও ইলিয়ডের মত ক্লাসিক গ্রন্থকে মূলভাষায় পাঠ করার প্রয়োজন সব সময়ে হয় না, সকলের পক্ষে তো কখনই হয় না, এদের মহত্ত্ব এমন আন্তরিক যে ভাষান্তরে পাঠ করলেও তার স্বাদ লাভ করতে পারে পাঠকে। এই ভাবেই এই সব কাব্য চিরকাল পরিজ্ঞাত হয়ে আসছে। রাজশেখর বসু প্রদত্ত নবকলেবর সেই পরিজ্ঞাপিত বিস্তারসাধন করে বাঙালী পাঠকের সম্মুখে আর একটা নূতন পথ খুলে দিয়েছে।

মহানগর : 'ভয়াবহ বিস্ময়কর সংগীত' সোহিনী ঘোষ

১

“আমি কবি যত কামারের আর কাঁসারির আর ছুতোরের
মুটে মজুরের—আমি কবি যত ইতরের”

এমনতরো ঘোষণার্থেই তিনি নেওয়া যায় লেখকের জাত—কবি প্রেমেন্দ্র মিত্রের (১৯০৩-১৯৮৮) কাব্য সাধনার যে ধারা, তাকে পরিচয় করিয়েছিলেন তিনি নিজেই, কোনো সমালোচকের প্রয়োজন পড়ে নি। তাঁর কাব্য সাধনার উদ্দেশ্য, তাঁর সমগ্র সাহিত্য সাধনার থেকে দূরবর্তী যে নয়—তার পরিচয়ও রেখেছেন স্পষ্ট। ‘কল্লোল’-এর সমস্ত বৈশিষ্ট্যকে নিজের মধ্যে ধারণ করে প্রকাশ করেছেন। ‘কল্লোল’-এর লেখক বলে যীশা চিহ্নিত, প্রেমেন্দ্র মিত্র তাঁদেরই অন্যতম। ‘কল্লোল’-এর সেই চিহ্নকেই তিনি বহন করেছেন আমৃত্যু। “আমি কবি যত ইতরের”—এই দার্জিক স্পর্ধিত ঘোষণা অবনমিত হয় নি কখনও।

প্রেমেন্দ্র মিত্রের কবি পরিচয়ের বাইরেও আরো যে সব পরিচয় ছিল, তার মধ্যে অন্যতম ছিল গল্পকার পরিচয়। গল্প নয়, ‘কল্লোল’-এ প্রথমে প্রকাশিত হয়েছিল তাঁর গল্পের সমালোচনা। তাঁর প্রথম গল্প ‘শুধু কেরানী’ প্রকাশিত হয়েছিল ‘প্রবাসী’ (চৈত্র, ১৩৩০) পত্রিকায়। তারই সমালোচনা করে ‘কল্লোল’-এ দীনেশরঞ্জন দাশ লিখেছিলেন—‘একটি ফেরানী যুবক ও তাহার স্ত্রীকে লইয়া এই গল্প। এই দুইটি মানুষের প্রেম ও স্পৃহার মধ্যে কোন আবিলতা নাই!...কালক্রমে স্ত্রীকে মৃত্যুর পথে অগ্রসর হইতে দেখিয়াও স্বামী তাহার নিবিড় প্রেমকে ঘটা করিয়া হা-হুতাশ করিতে দেয় নাই। স্ত্রীও স্বামীকে ছাড়িয়া যাইতে যে কতখানি কষ্ট পাইতেছিল তাহা তাহার একটি কথায় শেষ দিকে বেশ সুন্দরভাবে প্রকাশ পাইয়াছে’ (বৈশাখ, ১৩৩১)। পরে আরো দু একটি গল্পের সমালোচনা ‘কল্লোল’-এ প্রকাশিত হলে প্রেমেন্দ্র সাহস করে অচিন্ত্যকুমার সেনগুপ্তের সঙ্গে ‘কল্লোল’ অফিসে যান। ১৩৩১ এর শ্রাবণ সংখ্যা থেকে তাঁর লেখা নিয়মিত ‘কল্লোল’-এ প্রকাশিত হতে থাকে। প্রেমেন্দ্র মিত্রকে বুঝতে তাঁর ‘কল্লোল’-সংযোগ বোঝা জরুরি হয়ে পড়ায়।

‘কল্লোল’-এর প্রথম সংখ্যা প্রকাশিত হয় বৈশাখ, ১৩৩০-এ। তার অন্তিম সংখ্যার প্রকাশকাল পৌষ ১৩৩৬। মাত্র ক’বছরের আয়ত্বালের মধ্যে তৃতীয়বর্ষের শুরুতেই মুরলীধর বসুর আগ্রহে ও উদ্যোগে ‘কালিকলম’ প্রকাশ পায়। প্রেমেন্দ্র মিত্র ও শৈলজানন্দ মুখোপাধ্যায় সম্পাদনার দায়িত্ব নিলেন। ‘কালিকলম’ এর আদর্শগত ঐতিহ্যের কোনো বদল ঘটল না— কল্লোলের উত্তরাধিকার স্বীকার করেই তার প্রকাশ ঘটল। ‘কালিকলম’-এর দ্বিতীয় বর্ষের প্রথমে এবং তৃতীয় বর্ষের প্রথমে যথাক্রমে প্রেমেন্দ্র মিত্র ও শৈলজানন্দ

সম্পাদনার দায় থেকে ইস্তফা দেন ও ‘কল্লোল’-এর সঙ্গে পুনঃ সংযুক্ত হন। ‘কল্লোল’ ও ‘কালিকলম’-এর আদর্শগত কোনো প্রভেদ ছিল না—একথা আগেই বলেছি, ফলে মধ্যবর্তী দু-এক বছরের জন্য প্রেমেন্দ্রের রচনার কোনো চরিত্রগত পার্থক্য ঘটেনি। যে দুঃসহ স্পর্ধা এবং নতুন পথ খোঁজার আকুল আগ্রহ ‘কল্লোল’-এর লেখক গোষ্ঠীর অভিজ্ঞান ছিল—সেই বৈশিষ্ট্যকে জীবনের উপাস্ত পর্যন্ত টেনেছেন প্রেমেন্দ্র। অচিন্ত্যকুমার সেনগুপ্ত লিখেছিলেন—

“পশ্চাতে শক্ররা শর অগণন হানুক ধারালো,
সম্মুখে থাকুন বসে পথ রুধি রবীন্দ্র ঠাকুর,
আপন চক্ষের থেকে জ্বালিব যে তীর-তীক্ষ্ণ আলো
যুগ-সূর্য মান তার কাছে। মোর পথ আরো দূর!”

(‘আবিষ্কার’ : কল্লোল : কার্তিক, ১৩৩৬)

অচিন্ত্যকুমারের এই লেখাকেই ‘কল্লোল’-এর নিশ্চিত চিহ্ন বলে নির্ধারণ করা যায়। আর তাই বোঝা যায় গত শতকের তিরিশের দশক কেন নতুনতর সাহিত্যিক উদ্দীপনার চক্ষল ছিল। ‘রবীন্দ্র ঠাকুর’কে অস্বীকার না করেও “আপন চক্ষের থেকে” “তীর-তীক্ষ্ণ আলো” যে জ্বালানো সম্ভব, এমন আলো যাতে “যুগ-সূর্য-মান” হয়ে যায়—এমন ‘অচিন্ত্যনীয়’ বিশ্বাস ও স্পর্ধার্থেই ‘কল্লোল’রা মেতেছিলেন। শুধু তাই নয়, সেই মাতনের সহযোগী করে নিতে পেরেছিলেন বাঙালি পাঠককে। বাঙালির সাহিত্যচর্চার তথাকথিত শিখর ‘প্রবাসী’, ‘ভারতবর্ষ’, ‘মাসিক বসুমতী’ যথাক্রমে যাট, পঞ্চাশ ও পঞ্চাশ বছর অতিক্রম করে যথানিয়মে অবসিত হয়েছে। পাশাপাশি ‘কল্লোল’-এর সমাপ্তি মাত্রই সাত বছরের মধ্যে—শৈশবেই বলা যায়। তবু ‘প্রবাসী’, ‘ভারতবর্ষ’, ‘মাসিক বসুমতী’র অবসানে যা পাওয়া যায় নি, ‘কল্লোল’-এর অপ্রকাশে তা দেখা গেল। বাংলা সাহিত্যের মহারথীদের হাছকার! (দ্রষ্টব্য : (১) ‘কল্লোল ও দীনেশরঞ্জন দাস’ : ‘কালের পুতুল’ : বুদ্ধদেব বসু; (২) ‘কল্লোল যুগ’ : অচিন্ত্যকুমার সেনগুপ্ত)

প্রেমেন্দ্র মিত্রের গল্প আলোচনার শুরুতে ‘কল্লোল’ সম্পর্কে এ আলোচনা করতেই হলো—না হলে লেখকের প্রতি সুবিচার সম্ভব হয় না। কিন্তু ‘কল্লোল’ই প্রেমেন্দ্রের একমাত্র পরিচয় নয়। বিভিন্ন ধরনের জীবিকা গ্রহণের ফল তাঁর সাহিত্যে, বিশেষত গল্পে প্রকাশিত হয়েছে। কখনও স্কুলে সহকারী প্রধান শিক্ষকের কাজ, কখনও বিশ্ববিদ্যালয়ের গবেষণা সহকারীর কাজ, বেঙ্গল ইমিউনিটিতে বিজ্ঞাপন বিভাগের প্রচার সচিবের কাজ, ‘কালিকলম’-‘রংমশাল’-‘নবশক্তি’ সম্পাদনার কাজ। এরপর দীর্ঘ উনিশ কুড়ি বছর ধরে চলচ্চিত্রের সঙ্গে তাঁর যোগ, পরে আকাশবাণীর প্রোগ্রাম প্রোডিউসার পদে অভিষেক এবং শেষপর্যন্ত ১৯৬২ সালের পর থেকে আমৃত্যু কেবল সাহিত্যচর্চা। এই আলোচনার প্রয়োজনীয়তার কথা বলি। প্রেমেন্দ্রের জীবিকা অর্জনের ক্ষেত্রগুলি যদি বিবেচনার মধ্যে আনা যায়, তবে দেখা যাবে যে প্রতিটি ক্ষেত্র তাঁকে বিভিন্ন মানুষের সাহচর্য দিয়েছে। যে সব মানুষ সাধারণত মধ্যবিত্ত এবং তার সঙ্গে নিম্নবিত্ত ও উচ্চবিত্ত। গল্প প্রকাশের ধারাবাহিকতা থেকে কোনো সিদ্ধান্ত টানা সম্ভব না হলেও—একথা নিঃসন্দেহে বলা যায়

যে প্রেমেশ্বর গল্পে চলাচল করেছে যে চরিত্রগুলি তারা নিতান্তই বঙ্গদেশের উৎপাদন। তাঁর গল্পের ক্ষেত্র তৈরি করতে বা চরিত্র নির্মাণ করতে কোনো ভ্রম্যেড বা ইয়ুং, ফ্রবেরর বা জোলার প্রয়োজন হয়নি। বরং রবীন্দ্রনাথ-প্রভাতকুমার-প্রমথ চৌধুরীর পর বাংলা ছোটগল্প নরেশচন্দ্র সেনগুপ্ত ও শৈলবালা ঘোষজায়ার যে ক্ষেত্র নির্মাণ, যাতে সারজল জুগিয়েছিলেন বিদ্যুতিভূষণ-তারামঙ্গল-মানিক ত্রয়ী, যার সঙ্গে সংযুক্তি ঘটেছিল জগদীশ গুপ্তের ধারালো বাকা কাভের—তার থেকেই ফসল তুলেছেন প্রেমেশ্বর। তাই প্রেমেশ্বর গল্পে ‘কল্লোন’-এর সেই ধারাটিরই সন্ধান পাওয়া যায় যেখানে জীবনের স্নেহ, যেখানে ভাগ্য ও পারিপার্শ্বিকতার চাপে মনুষ্য মানুষ লড়াই করে ফেরে। ক্রেদান্ত দিক দেখান নি প্রেমেশ্বর এমন নয়—কিন্তু জীবন যে ক্রেদ সর্বত্র নয়—সে বিশ্বাসও তাঁর ছিল। ‘কল্লোন’-এর উদ্ভাবিকার নিঃসন্দেহে বহন করেছেন তিনি, তবু ভাষা ব্যবহারে সংযত ও ব্যঞ্জনাধর্মী। আর এখানেই গল্পকার প্রেমেশ্বর মিত্রের বৈশিষ্ট্য।

২

“আমার সঙ্গে চলো মহানগরে—যে মহানগর ছড়িয়ে আছে আকাশের তলায় পৃথিবীর ক্ষতের মতো, আবার যে মহানগর উঠেছে মিনারে মন্দির-চূড়ার, আর অস্ত্রভেদী প্রাসাদ-নিখরে তারাদের দিকে, প্রার্থনার মতো মানবাত্মার।

আমার সঙ্গে এসো মহানগরের পথে, যে পথ জটিল, দুর্বল মানুষের জীবনধারার মতো, যে পথ অন্ধকার, মানুষের মনের অরণ্যের মতো, আর যে পথ প্রশস্ত, আলোকোজ্বল, মানুষের বুদ্ধি, মানুষের আদম্য উৎসাহের মতো।

এ মহানগরের সংগীত রচনা করা উচিত—ভয়াবহ, বিস্ময়কর সংগীত।”

গল্প শুরু হয় কবিতার মতো গদ্য দিয়ে। প্রেমেশ্বর মিত্রের কবি মন যেন গল্প নয়, সংগীত রচনা করতে চায়। যদিও বলেন—“এ সংগীত রচনা করার শক্তি আমার নেই। আমি শুধু মহানগরের একটুখানি গল্প বলতে পারি—”। বোঝা যায় কাব্যের আড়ালে উঁকি দিতে চাইছে কঠোর গদ্য। গল্পের নামকরণ এবং সূচনা অংশ থেকে হঠাৎ মনে হয় কাহিনি বোনা হবে মহানগর নিয়েই—যে কাহিনি ‘ভয়াবহ’, ‘বিস্ময়কর’। কিন্তু অচিরেই পাঠক বুঝবেন কাহিনি আসলে মহানগরের নয়—রতনের, তাও খুব শক্ত বুননে তাকে দাঁড় করানো যায় নি। তবু কেন ‘মহানগর’? এ প্রশ্ন জাগা বিচিত্র নয়। প্রেমেশ্বর মিত্র খুব অসচেতন শিল্পী ছিলেন একথা সমালোচকরা বলেন না। তবে কেন ‘মহানগর’ নামের আড়ালে রতনের গল্প বলা! যে রতনও এমনকি মহানগরে বহিরাগত? প্রেমেশ্বর মিত্র আদ্যন্ত নাগরিক মননের অধিকারী। আলোচ্য গল্পে মহানগরের স্পষ্ট পরিচয় আছে। এ মহানগর—কলকাতা উষ্টেডিঙ্গির প্রসঙ্গে তা অতি স্পষ্ট। কলকাতাকে ‘আমার শহর’ বলে চিহ্নিত করেছিলেন প্রেমেশ্বর—তাঁর কবিতায়। তাই বৃষ্টি কলকাতা বারবার উঠে এসেছে তাঁর গল্পে। “কঠিন ধাতু ও ইটের ফ্রেমে লক্ষ জীবনের সূত্র নিয়ে মহানগর বুনছে যে বিশাল সূচিচিত্র”—লেখকের গল্প “সেই বিশাল দুর্বেধ চিত্রের অনুবাদ”। লেখক জানেন সে অনুবাদে তৃপ্ত নাও হতে পারেন পাঠক। তবু গল্প নাম ‘মহানগর’।

কাহিনির শুরুতেই পোনাখাট, পোনার পাইকারি বাজারের সূত্রে উন্মোচিত হয়ে যায়

নগরের অন্তর্ভুক্ত। সমস্ত নগরটাই একটা খোলাবাজার। নির্মম উদাসীনতায় সেখানে পিষ্ট হয় কোমলতা। আশ্চর্য, পোনার পাইকারি বাজারের মধ্যেই ফুলে ফুলে ভরে থাকে এক কদম গাছ। রতন পোনার নৌকা থেকে নেমে দাঁড়ায় তারই নিচে। মহানগরে রতনের প্রাথমিক আশ্রয়। কদমগাছ থেকে অসংখ্য ফোটা ফুল ঝরে পড়ে মাটিতে। পদদলিত করে চলে যায় ব্যাপারী ও ক্রেতা। “পোনা-চারার হাটে কদমফুলের কদর নেই”। উদাসীন ব্যাপারী বা ক্রেতা কদমের নিচেই মরা মাছ হেঁকে ফেলে। নদীর ধারের কাপায় মরা মাছ আর কদমের রেণু মিলে মিশে যায়। রতন দেখে। মহানগরের উদাসীনতার সাক্ষী হয়ে দাঁড়িয়ে থাকে রতন। নাগরিক নির্মম বাজারি মনকে ছুঁয়ে ফেলে অজান্তেই। রতনের এটাই একমাত্র সোখা নয়। নগরকে রতন দেখতে শুরু করেছিল আগের রাত থেকেই। অমাবস্যার রাতে নৌকোর ভেতর থেকে দেখেছিল কেমন করে তারান্ডরা আকাশ নেমে এসেছে মাটিতে। আলো ছেটানো নগরকে রতন দেখেছে নদীর বুকে ভেসে থাকতে থাকতে—বিস্ময়ে নিশ্বাস ফেলতে ভুলে গেছে। অন্ধকার ধীরে ধীরে ফিকে হয়ে এলে জটিল অরণ্যের মত জাহাজের মাস্তুল থেকে অজগরের মত নোঙরের শেলক দেখতে পায় রতন। দেখে বিশাল কোনো জলচরের শাবকের মত গাদাগাদি করে থাকে গাধা বোটের জটলা। নদীর দুধারে কলকারখানার বিশাল বিশাল লৌহবাহ দেখে রতন বোঝে এই মহানগর। যেখানে সে খুঁজতে এসেছে তার হারিয়ে যাওয়া ধনকে, যেখানে সে হারিয়ে ফেলেবে তার সরল শৈশবকে।

‘দেশ’ পত্রিকার প্রথম সংখ্যায় ‘মহানগর’ প্রকাশিত হয়েছিল (২৪ নভেম্বর, ১৯৩৩)। ‘মহানগর’ কাহিনি সর্বত্র গল্প নয়। এখানে নেই কোনো আঘাত-সংঘাতের পরিচয়। পেঁয়াজের খোসার মত ছাড়াতে ছাড়াতে শেষ পর্যন্ত যেখানে পৌঁছোনো যায়, সেখানে নেই কোনো শক্ত বীজ—সেও শেষ পর্যন্ত নরম পেঁয়াজেরই একটা অংশ। মাতৃহীন ছোট্ট রতন তার হারিয়ে যাওয়া দিদিকে খুঁজতে আসে নগর কলকাতায়, খুঁজে পায় এবং না নিয়েই ফিরে যায়। এই কাহিনির মধ্যে কোনো জটিলতা নেই। বালক রতন না জানলেও পাঠক আগেই জেনে যান ‘দিদি’র অবস্থা ও অবস্থান। ফলে গল্পে কোনো নাটকীয় উপাদানও নেই সে অর্থে। সম্ভবত অমাবস্যার রাতে আলোয় সাজা কলকাতা, ভোরের কুয়াশার মধ্যে দিয়ে এবং কুয়াশা সরে গেলে কঠিন কলকাতা, ফুলের রেণু আর মরা মাছে মাখামাখি কলকাতা—আগেই কোমল মানবতার বিপরীতে কঠিন নিষ্ঠুরতাকে উন্মোচিত করে দিয়েছিল—তাই রতন ও তার দিদির সাক্ষাতে আলাদা কোনো চমক থাকে না। আসলে প্রকৃত অর্থে এ গল্প কোনো রতনের গল্প নয়, নয় তার দিদির গল্প। এ হলো অজগরের গ্রাসে হারিয়ে যাওয়া মানবতার গল্প। আর তাই গল্পের শেষে “মহানগরের ওপর সন্ধ্যা নামে বিস্মৃতির মতো গাঢ়।” যে গল্প তিনি বলতে চেয়েছিলেন তা আসলে মহানগরিক মহাকাব্যের ভগ্নাংশ মাত্র—“তার কাহিনী-সমুদ্রের দু-একটি ঢেউ।” তিনি জানতেন “মহাসংগীতের হৃদয় তাতে মিলবে না, তৃষ্ণা তাতে মেটাবার নয়”। আর জানতেন বলেই রতন বা তার দিদির নাম বা সাক্ষাৎ বা ব্যঞ্জনাধর্মী নামকরণ করতে তার বেঁধেছে—সবার ওপর স্থান দিয়েছেন ঘটনার স্থানকে—নামও দিয়েছেন তাই।

৩

তবু এ রতনের গল্প। আর রতনের গল্প বলেই অসামান্য সংখ্যক দেখিয়েছেন লেখক কাহিনির বুননে। সামান্য খানিকটা বিবৃতির অংশ ছেড়ে দিলে সমস্ত গল্পটাই দেখানো হয়েছে রতনের চোখে। মাতৃহীন ভাইকে মমতা আর ভালোবাসার আশ্রয়ে আগলে রাখা যে দিদি, সামাজিকতার অমোঘ নিয়মে তার বিবাহ হয়ে যায়। দিদির আশ্রয় ছাড়া আর কিছু জানা ছিল না রতনের—তাই ফিরে ফিরে সে আশ্রয়ই খোঁজে সে। নতুন কুটুম্বিতার অর্ধ-শর্ত-মাত্রা কিছুই না রেখে অবোধ বালক বারবার উপস্থিত হয় দিদির শ্বশুরবাড়িতে। বারবার ফিরিয়ে নিয়ে আসা হয় তাকে। তারপর একবার যেন কি হয়—রতন বোঝে না—দিদিকে পাওয়া যায় না আর। আকুল রতন, তার পরিবার, পরিজন, সকলেই খোঁজ করে ফেরে দিদির। তারপর রতন শোনে অনেক দূরের দেশ থেকে পাওয়া গেছে দিদিকে—পুলিশ উদ্ধার করে এনেছে। এরপরই ঘটে এক আশ্চর্য ঘটনা। দিদিকে যখন উদ্ধার করে পুলিশ—তখনই যেন দিদি হারিয়ে যায় সত্যি সত্যি। আর কেউ তার খোঁজ করে না, ফিরিয়ে আনে না—বড়দের স্বরচাপা আলোচনায় কি যেন কি রহস্য ধরা পড়ে, রতন বোঝে না—সে কেবল দিদির জন্য আকুল হয়। সে শোনে মহানগর তার দিদির আশ্রয়। সে আসে মহানগরে, দিদিকে খুঁজতে। অবিখ্যাত অকল্পনীয়তায় শেষ পর্যন্ত সে তার দিদিকে খুঁজে পায়। কিন্তু তার চাওয়া পূর্ণ হয় না। সে থাকতে পারে না দিদির কাছে, ফিরে আসতে হয় তাকে ব্যথাহত হৃদয়ে। ফিরে আসতে আসতে কি যেন সে বোঝে—আবার ফেরে, তার মুখ বদলে যায়। ভাইকে বিলায় দিয়ে দাঁড়িয়ে আছে চপলা, রতন তার কাছে এসে হঠাৎ বলে—“বড়ো হয়ে আমি তোমায় নিয়ে যাব দিদি। কারুর কথা শুনব না!” দৃঢ় প্রতিজ্ঞার চিহ্ন তার মুখে। রতন ফেরে, ফেরে তার বাবার কাছে যাবে বলে, কিন্তু তার চলন বলে—আর সে ছোট নেই।

যেভাবে এই গল্পে রতনকে দেখানো হয়েছে—তাতে তাকে বালক বলেই মনে হয়। যদিও তাকে শিশু বলেই উল্লেখ করা হয়েছে গল্পে। চমৎকার এক শিল্পরীতি অনুসরণ করা হয়েছে গল্পে। রতনের চোখ দিয়ে দেখানো হয়েছে গ্রাম ও শহর, ক্ষেত্র ও ব্যাপারী, পোনার ব্যবসা ও দেহ-ব্যবসার বাজার। বালকের চোখ দিয়ে দেখানো হয়েছে বলেই যেন দুষ্টিটা মাটির অনেক কাছাকাছি। রতনের বাস্তবতাবোধ বড়দের সঙ্গে মেলে না, মেলে না বলেই সে পোনাঘাটেও কদমের গুঁড় অমর্যাদা বুঝতে পারে। দিদি যখন তাকে বাবার কাছে ফিরিয়ে দিতে চায়, রাখতে চায় না নিজের কাছে, তখন অভিমানাহত হৃদয়ে ফিরে যেতে যেতেও ঘুরে দাঁড়ায় সে, পোনার হাটে কদমের প্রকৃত অমর্যাদা বুঝতে পেরেই। ঝরে পড়া ফলমাকে কাধা থেকে তুলে নিতে চায়। প্রতিজ্ঞা করে বড়ো হয়ে সে উদ্ধার করবে দিদিকে, নিয়ে যাবে নিজের কাছে, কারো কথা শুনবে না।

ছোটো ভাইটির হঠাৎ এই বড় হয়ে যাওয়া কি বুঝতে পারে চপলা? বোঝা যায় না। সে স্থগুণ মত দাঁড়িয়ে থাকে। অনেক দেখা হয়েছে তার জীবনে। জীবনের দৈর্ঘ্য তার বেশি নয়—তবু সে বোঝে সংসারে তার কোনো জোর নেই। মাতৃহীন সংসারের গৃহিণী ছিল চপলা, ছোট ভাইটিকে সন্তান মেহেই পালন করেছে। সামাজিক নিয়মে স্বামীর ঘর করতে গেছে সে। স্বামী হয় নি সেই ঘরের স্বপ্ন। বহিরাক্রমণে ভেঙে পড়া

সম্পর্কের দুর্গট তত সুরক্ষিত ছিল না আসলে, বুঝতে তার সময় লাগে নি। অপরাধ অনোর হলেও সামাজিক কলঙ্ক গায়ে লাগায়, অপরাধী হতে হয়েছে তাকেই। স্বামী বা পিতা—কারোর আশ্রয়ই না পাওয়ায় তার স্থান হয়েছে উল্টোডিক্টর বেশ্যাপাড়ায়। সে আশ্রয় পায় তার শরীরের বিনিময়ে। অন্যের আশ্রয় সে হয়ে উঠতে পারে না। অভিমানে ভাইকে বিদায় দিতে হয় তাকে।

ভাইটি তার নিয়ে যেতেই এসেছিল। গ্রাম থেকে আসা রতন দিদির ঘরে জিনিসের প্রাচুর্য দেখে অবাক হয়ে গিয়েছিল। তার সহজ মনের কোনো কোণেই আশঙ্কার মেঘ জমে নি। একটু জিরিয়ে নিয়েই দিদিকে নিয়ে রওনা হবে—এই খুশিতেই সে মশগুল। দিদির না যাওয়ার কারণ হিসেবে সে ভেবেছে, দিদি তার জিনিসগুলিকে ফেলে যেতে চায় না। সে সরলভাবেই গুরুগাড়ির প্রস্তাব দিয়েছে। দিদি তাতেও রাজি না হওয়ায়—সেও দিদির কাছেই থেকে যেতে চেয়েছে। দিদি থাকতে দিতে চায় নি। তার বদলে রতনের হাতে পয়সা দিয়ে খাবার কিনে খেতে বলেছে। রতন বুঝেছে দিদি তাকে থাকতে দেবে না। তার বুক ভেঙে গেছে।

বুক ভেঙেছে চপলারও। রতন তাকে খুঁজতে খুঁজতে চলে আসবে এ তো সে ভাবে নি। সে জানত সমাজ-সংসারে সে ব্রাত্য। ছোট ভাইটার বৃকে এখনও যে টান, সে মায়ার আশ্রয় হয়ে গিয়েছিল চপলা। রতন যখন অনেক খুঁজে উল্টোডিক্টিতে পৌঁছায়—“চপলা দরজার কাছে এসে থমকে দাঁড়ায়। রতনের মুখেও কথা ফোটে না। দিদিকে চিনতেই তার কষ্ট হয়। দিদি যেন কেমন হয়ে গেছে। দুজনই খানিকক্ষণ থাকে নিস্পন্দ দাঁড়িয়ে। ...উভর না দিয়ে চপলা হঠাৎ ছুটে এসে রতনকে বৃকে চেপে ধরে, তারপর এদিক-ওদিক চেয়ে অবাক হয়ে ধরা গলায় বলে, “তুই একা এসেছিস!”

রতন দিদির বৃকে মুখ লুকিয়ে থাকে, কিছু বলে না।”
রতনের পক্ষে কিছু বলা সম্ভব ছিল না—তার উদ্ভেজনার শেষ হয়েছে। তার পরম কাঙ্ক্ষিত ধনকে সে পেয়ে গেছে। কিন্তু প্রশ্ন জাগে চপলা এদিক-ওদিক চেয়ে কাকে খুঁজছিল? বাবাকে? স্বামীকে? রতন একা না এসে এদের কারো সঙ্গে আসলে চপলার জীবনের রং বদলে যেতে পারত। কিন্তু তা হলো না। রতনের এই একক আগমন তার অবস্থানের বদল ঘটাতে পারবে না জেনেই ভাইকে এই কলঙ্কিত স্থান থেকে যথাসীল সম্ভব বিদায় দিতে চেয়েছে। ভাই বোঝে নি। সে অভিমানে আহত হয়েছে।

রতন যেতে যেতেও ফিরে আসে। ফিরে আসে এক প্রতিজ্ঞা নিয়ে—“বড়ো হয়ে আমি তোমায় নিয়ে যাব দিদি।” এই অসম্ভব প্রতিজ্ঞায় কাহিনির শেষ হতে পারত। হয় নি। আর সেখানেই আছে শিল্পীর সুবিচারবোধ। গল্পটি শেষ হয় এক অসামান্য বাকা দিয়ে—“মহানগরের ওপর সন্ধ্যা নামে বিষ্মৃতির মতো গাঢ়”।

8

“মহানগরের ওপর সন্ধ্যা নামে বিষ্মৃতির মতো গাঢ়”—বোঝা যায় এক কবির কলম কথা বলছে—দৃশ্য, সংযমী, প্রত্যয়ী। নাটকীয়তার হাজারো প্রলোভনকে সামলে যে পথে কাহিনি নিয়ে এগোলেন গল্পকার, তাতে তাকে কুর্নিধ জ্ঞানতে হয়। বালক রতনের দিদির

খোঁজে কনকাতা আসা, দিদিকে খুঁজতে খুঁজতে উণ্টোভিঙি যাওয়া, দিদির সঙ্গে সাফাং—নাটকীয়তার ক্ষেত্র প্রস্তুত ছিল সবথানাই। কোনো প্রশ্নই দেন নি প্রেমেন্দ্র। গল্পটিও একেবারে প্রথম থেকেই কিছুটা শ্লথ গতি। মহানগরের পাশ দিয়ে বয়ে চলা হুগলি নদীর মতোই শ্লথ। শ্লথ কিন্তু একমুখী। অনামা এক গ্রাম থেকে যাত্রা শুরু করে গল্প এসে পৌঁছায় উণ্টোভিঙির বেশ্যাপাড়ায়। এই অনিবার্যমাত্রা গল্পটিতে পথ খুঁজে নিয়েছে।

কথকতার ঢঙে শুরু হয়েছিল গল্পটি—সহজ বিবৃতির পথে। ক্রমশ লেখকের চোখ থেকে রতনের চোখ, বড়দের বাস্তবতা থেকে ছোটদের বাস্তবতা, প্রাপ্তমনস্কের সমাজ ও ন্যায়বোধ থেকে বালকের সমাজ ও ন্যায়বোধে কাহিনি সরেছে। যেভাবে সরেছে তাতে কাহিনিকারের মনশিয়ানার প্রমাণ আছে। রতনের সঙ্গে চপলার মিলনদৃশ্যটির অতিস্বাভাবিকতা যে কোনো মুহুর্তেই ক্ষুণ্ণ হতে পারত। বহুদিন অদর্শনের পর ছোট রতনের দিদির বুকে মুখ গুঁজে নিরুত্তরে দাঁড়িয়ে থাকা আসলে কোনো কথা না বলেই অনেক কথা বলা। তেমনি কথা বলে ওঠে চপলার অনুসন্ধিৎসু ব্যাকুল চঞ্চল চোখ—রতনের সঙ্গীর খোঁজ করে। অকারণ বিবৃতি দিয়ে পাঠককে ক্লান্ত করেননি লেখক। চপলার দুর্ভাগ্য বোঝার ক্ষমতা ছিল না রতনের। মাটির বাড়ি যে অত সুন্দর জিনিস দিয়ে সাজানো হতে পারে, দিদির যে অনেক জিনিস আছে, এত জিনিস যে বাড়ি যেতে গেলে দিদির শুধু নৌকোয় উঠলেই হবে না—একটা গরুর গাড়িও লাগবে, এইসব শিশুসুলভ ভাবনার আলসেই প্রকৃত ট্রাজেডির যন্ত্রণাটা কিছুটা মৃদুতা পেয়ে যায়। নাগরিক নীল নিয়নের মায়াবী আলোয় যেমন ঢাকা পড়ে থাকে বহু অর্থহীন বদর্যতা—তেমনি চপলার গ্লানিময় জীবনও রতনের সায়তো চাপা পড়তে থাকে।

যাকে আপাতভাবে চাপা দেওয়া হয়—তা তে আসলেই নিশ্চিহ্ন হয়ে যায় না। তাই শেষ হয় না রতনের দুর্ভাগ্যেরও। চপলা রতন নয়, সে বোঝে ভাইকে ফেরত পাঠাতে হবে সন্ধ্যার আগেই। এই ফেরত পাঠানোর আয়োজন চলতে থাকে দিদির তরফে। অবুধ ভাই বোঝে না। দুজনেরই হৃদয়ে ক্ষত তৈরি হয়—রক্ত ঝরে টুপটাপ, অলক্ষ্যে। শেষ পর্যন্ত ফিরতে হয় রতনকে। চপলা দাঁড়িয়ে থাকে একা, স্থির। চলে যেতে দেখে ভাইকে। গল্পটা এখানেও শেষ হতে পারত। শেষ হওয়ার জন্য চমৎকার ফ্রেম তৈরি হয়েছিল। কিন্তু হয় নি। হয়নি, কারণ রতন আবার ফিরে আসে, তার অবিশ্বাস আশ্বাস নিয়ে—আবার আসবে সে বড় হয়ে। দিদিকে নিয়ে যাবে। কারো কথাই সে শুনে না তখন। কাহিনি এখানেও শেষ হতে পারত। হয় নি। রতনের দ্বিতীয়বার ফিরে যাওয়ার প্রতিটি পদক্ষেপে দৃঢ়তা ফুটে ওঠে। দিদি দাঁড়িয়ে থাকে স্থির। কাহিনি শেষ হয়ে অসামান্য ব্যঙ্গনায়—“মহানগরের ওপর সন্ধ্যা নামে বিস্মৃতির মতো গাঢ়”। গল্পকার জানেন, পাঠক জানেন, চপলাও জানে—এই সন্ধ্যাই আসলে সত্য। দিন কাটবে, বড় হবে রতন, ক্রমশ তার স্মৃতি হবে ফিকে—সংসার সমাজ তাকে গ্রাস করে নেবে, যেমন মহানগর গ্রাস করেছে তার দিদিকে। রতন বুঝবে দিদির কথা বলতে নেই, ভাবতে নেই—এইভাবেই সত্য হয়ে উঠবে মহানগরিক গ্রাস। আর তাই এই গল্প চপলার নয়, রতনেরও নয়—এই গল্প আসলে মহানগরের। শুরুতেই লেখক জানিয়েছিলেন—“এ মহানগরের সংগীত রচনা করা উচিত—ভয়াবহ, বিশ্বয়কর সংগীত।”

তেলেনাপোতা আবিষ্কার : পুরোনো পাঠের উজান ঠেলে কিছু কথা অরুণকুমার দাস

১

‘কুড়িয়ে ছড়িয়ে’ গল্পগ্রন্থ প্রকাশিত হয়েছিল ১৯৪৬ খ্রিস্টাব্দে। এতে ‘তেলেনাপোতা’ আবিষ্কার’ ছাড়া আর যে সাতটা গল্প ছিল সেগুলো হল ‘স্টোভ’, ‘জ্বর’, ‘চিরদিনের ইতিহাস’, ‘এক অমানুষিক আত্মহত্যা’, ‘চুরি’, ‘পিস্তল’ এবং ‘পটভূমিকা’। আমাদের ‘কারিকুলাম’ নির্ভর সাহিত্যচর্চার পরিমণ্ডলে এই পর্যায়ের ‘তেলেনাপোতা আবিষ্কার’ চর্চা ও ব্যাখ্যার শীর্ষে। জনপ্রিয়তায় তার পরই ‘স্টোভ’। ‘তেলেনাপোতা আবিষ্কার’ গল্পটা আবার রাশি রাশি পাঠকের মন টেনে নেয় যে বিশিষ্টতায়, তা সত্যিই অভিনব। এখানে যে সমাজতত্ত্ব আছে, তা প্রত্যক্ষত ধাক্কা দেয় না পাঠককে। ধাক্কাটা আসে পরোক্ষ। যে, ১৯৪৬ সালে বা তার কিছু আগে লেখা গল্পের বর্ণনায় বাংলা ভূখণ্ডের যে গ্রামের দুর্দশালাঙ্কিত রূপ পড়ছি, তাকে আবার ছুঁয়ে দেখতে চাইলে এবং তার জন্য অনির্দিষ্ট গন্তব্যে বেরিয়ে পড়লে কোথাও না কোথাও পেয়ে যাব আজও প্রধান নগরকেন্দ্র থেকে ৫০-৬০ মাইল বৃত্তাকার পশ্চাদভূমিতে। এর থেকে গ্লানিকর আর কী হতে পারে? এই গ্লানিকর সমাজবাস্তব প্রেমেন্দ্র মিত্র ফুটিয়ে তুলেছেন বিচিত্র আঙ্গিকে; যা প্রায় অতুলনীয় আমাদের সাহিত্যে, এমনকি দেশ-বিদেশের অন্যান্য সাহিত্যেও।

২

পূর্বচর্চার মতামতকে প্রদক্ষিণ করেই আমরা প্রবেশ করব নিজেদের নিরীক্ষায়। এই মুহূর্তে হাতের কাছে যাদের মতামতগুলিকে তরঙ্গতড়ন থেকে সরিয়ে এনে দেখা যায় তাঁদের সর্বাগ্রে সরোজ বন্দ্যোপাধ্যায় থাকবেন। তিনি লেখেন, “গল্পে ক্রিয়ার কালের দিক থেকে নতুন প্রয়োগ ঘটালেন তিনিই ‘তেলেনাপোতা আবিষ্কার’-এ। প্রথম অনুচ্ছেদে অনুমানবাচক ক্রিয়াপদের দুটি একটি প্রয়োগের পরই লেখক সরাসরি ভবিষ্যৎ কালজ্ঞাপক ক্রিয়াকে এই গল্পের ক্ষেত্রে জরুরি করে তুললেন। পাঠক গল্পের মধ্যে ঢুকে গিয়ে দেখেন যে ভবিষ্যৎকালজ্ঞাপকক্রিয়া কোনো সুনির্দিষ্ট পরিণামের নির্দেশক নয়। বরঞ্চ তা যেন শুধুই সম্ভাব্যতার সূচক। এমনটাই হয় এমনটাই হতে পারে—এমনটাই হবে। এখানেও সেই ব্যর্থ বিমুখ পুরুষকারের গল্প। এখানেও দেখা মিলবে এক ভাঙা পোড়ো বাড়িতে পাওয়া যায় এমন এক গা ছমছমে আবহাওয়ার। ‘শ্রীহীন জীর্ণতা’, ‘নগ্ন ধ্বংস মূর্তি’, ‘সংকীর্ণ অন্ধকার ভাঙা সিঁড়ি’, ‘প্রৈতপুত্রী’, ‘হিন্ন কছাড়িত একটি শীর্ণ কঙ্কালসার মূর্তি’—এই সবকিছুর পটভূমিতে একটি মেয়ে—যামিনী। গভীর কঠিন তার মুখ; দৃষ্টি তার সুদূর ও করুণ। লেখক তার উপমান হিসাবে আহ্বান করেছেন ধ্বংসপুত্রীর ছায়াকে। সেই ছায়ার মতো মেয়েটিও বুঝি অবাস্তব—এই ইঙ্গিতে যে ব্যঙ্গ, তার আঘাতেই যামিনী কল্পনায় যে রোম্যান্টিক সৌন্দর্যভিসার তা ভেঙে গেল। ‘গভীর কঠিন যার মুখ